

6994

# საქართველოს

საზოგადოებრივი  
მეცნიერებათა




1917



გოგინავაძის

მანკი, № 7.



23

# ბავშვები

საქართველოს  
საბავშვო  
საზოგადოებრივი  
სამსახური

საქართველოს  
საბავშვო  
საზოგადოებრივი  
სამსახური

№ 5.

1917 წ.



H  
185  
F-5814 298

ორატორი



## შინაარსი

I—ორატორი, —სურათი . . . . .	1
II—ზაფხულის წვიმა, —ლექსი ა. სახარუდიძის . . . . .	3
III—ღრუბლების ნაქერი, —ცქეიტასა . . . . .	5
IV—ხელოვნების ქურუმი, —დასასრული, დ კადოსნაძისა . . . . .	9
V—გარდახვეწილი, —ლექსი დ. კლიაშვილისა . . . . .	23
VI—ბატონიშვილი და ლალა, —(ხალხური ზღაპარი) ჩა- წერილი ა. ტატიშვილის მიერ . . . . .	25
VII—შავ ტუნეტას შვილობილი, —მოთხრობა ჯემისო- ნისა, (შემდგენი) თარგმანი დათაკო ანთაძისა . . . . .	31
VIII—ძველი რუსეთი ღ რევოლიუცია, — ვ. კატეტიშვილისა . . . . .	53
IX—საურთიერთო დაზმარება, —შედგენილი ილია ხაკაშ- ძისაგან . . . . .	57
X—გასართობი: ხუთი კვანძი, — ასე რაჭკედასა. რებუსი და ახსნა . . . . .	61



## ზაფხულის წვიმა



ამკვირვალე ცის ლაგვარდი  
 ყომრალ ღრუბლით მოიბურა;  
 ცა ატირდა, მარგალიტი  
 დააფრქვია, დააკურა;

ცაში ცეკვავს მიწის კრემლი,  
 წვეთებს მოსდევს ძირს წვეთები;  
 მწყობრი რხევით ეშვებიან  
 მიწისაკენ წყლის სვეტები;

ტყის კაბაზე წყლის ფერხულმა  
 ფოთლებს გული აუთრთოლა;  
 ტყე შეირხა, აცახცახდა,  
 ძირს შიივები დააბროლა;

ყვავილს, ბალახს დააყარა,  
 მოაბნია თავზე ფრთხილად,  
 ყელსაბამად ჩამოჰკიდა,  
 ზოგს თითო და ზოგსაც წყვილად.

გახალისდა არემარე,  
 გამოფხიზლდა მთა და ველი;  
 მთებში წყლები ახმაურდნენ,  
 ისმის რაღაც ღრიანცელი:



მოშხუიან ბარისაყენ,  
 მწყობრი სრბოლით დარაზმული,  
 და გაულბა მიწას მკერდი,  
 გაუგრილდა მიწას გული.

ა. სიხარულიძე.





# ღრუბლის ნაჭიმი



ურჯ ცის სიღრმეში ერთად-ერთი პატარა ღრუბლის ნაჭერი საიდანღაც ობლად დაბადებულიყო და დაუსრულებელ ცის კამარას საოცნებოდ ამშვენებდა. ხან ახლად გაფურჩქენილ, მორცხვ და კეკლუც თეთრ ვარდივით ამოიბეჭდებოდა, ხან დაბასმულ ლეჩაქივით გაცრიაგდებოდა, ხან ისევ შეიკუმშებოდა, თითქოს მარმარილოსაგან გამოქანდაკებულ მშვენიერ სახეს მიიღებდა და მიჭკროდა; საღამო ეამზე აღმოსავლეთით მიაშურებდა, რომ ბრწყინვალე და მშვენიერ მარებს წინ სადიდებლად მიჰგებებოდა. ზოგჯერ არშის მზგავსად ამოქარგული მიჭკროდა და მალლიდან უკვე ბინდით მოცულ ქვეყანას უხმოდ ამას უამბობდა:

— დიდ ოკეანეს მღრტვინავ მღერას, მის ძლიერ ქუბილს და განუწყვეტელ მუსიკას მხოლოდ მისთვის გამოვეთხოვე, რომ დავისვენო. იქ რომ ვიყავ, ფერადებით აყვავებულ დღეამიწას ყურს რომ ვუგდებდი, ყოველივე ხმა სულს ისე მი-

შფოთებდა, რომ ფართო სამყარო მავიწროვებდა, თავისუფლად ველარ ვსუნთქავდი და მუდამ იქ, ამ სიმაღლისკენ მოვისწრაფოდი.

ახ, რომ იცოდეთ—რა ტკბილი იყო და იმავ დროს რა ძლიერ მწვავე აქ მისწრაფება, რომ იცოდეთ—რა მოუსვენრობას განვიციდიდი, როდესაც სიზმრად თავისუფალ ცის ლურჯ სიღრმეს ვხედავდი, იმ სიღრმეს, რომელსაც მხოლოდ მზის, მთვარის და მოციმციმე ვარსკვლავთა საშუაფელი ეწოდება.

მაგრამ სურვილი მაშინ უფრო მიმწვავედებოდა, როდესაც მარებს, ყველაზე ადრე დიდებულად გაბრწყინებულ მარებს დავინახავდი. იმისი თავისუფალი, დაუწყნარებელი ციმციმი სრულ შევენებასთან ერთად მუსიკას ჰქმნიდა და ის უფრო მადღეღებდა... ყოველ დღე და ყოველ ბინდისას, მის ამოსვლის ეამს ბაგენი ჩემნი მუდამ იმას ლაღადებდნენ, იმას ნატრობდნენ, რომ ოდესმე ამობრწყინებულს წინ შევეყროდი, მის მშვენიერ სახეს გარს ლეჩაქივით შემოვხვეოდი, რომ იმისი შუქი ათასნაირად ამეფერადებინა და იმ თვალწარმტაც სანახავით ქვემოდ, დედამიწაზე ყველასთვის ისეთივე სიყვარული და მისწრაფება გამეღვიძებინა, რასაც მე ვგრძნობდი, რითაც ვცოცხლობდი...

აი, ჩემი ცხოვრების შევენება და მიზანი მხოლოდ ეს იყო, და ამისათვის ღელავდა გული. მაშ გადმიშვი, მთაო, ოღნავადაც ნუ შემაჩერებ, ნურც შიკრიკად ნიავს სადმე შემახვედრებ, რადგან ხედავ—რანაირად მივეჩქარები, რანაირად ვთრთი და ვკანკალებ; ჩემივე გულის სიმღერა ყურებს მიყრუებს, რადგან მზემ დიდხანს ზღვას იქით გადაიხარა და მოახლოვდა, საცაა მთიდან ცეცხლივით ამოაშუქებს...

თმა-ხუჭუქა, ლამაზო ტყეო, თუ ვსურს, რომ შენს ნაძენართ მარგალიტებად ოდესმე კიდევ ვებკურო, თუ ვსურს შვიდ-ფეროვან გვირგვინებით შენი იფნები მზის ამოსვლისას



კიდევ მოვქარგო, გამიშვი, ხმასაც ნუ გამცემ, ნურაფერს შეტყვი; სული ისედაც მრავალ ამბებით მაქვს დატვირთული. გამიშვი, რომ ყოველივე იმას ვუამბო, ის გავაოცო და იმას ვუმღერო ის საიდუმლო ზღაპარი, რომელსაც გულით მხოლოდ მისთვის ვატარებდი. გამიშვი, რომ იმ ამბით უფრო ძლიერ გავაბრწყინო და გავალამაზო, შემდეგ შარავანდედით შემოსილს გარს შემოვევლო, მეც გავმშვენიდე და შემდეგ თუ გინდ იქავე ვაქვრე...

ასეთი ლოცვით აღემართა დედამიწიდან ქულა ღრუბელი და გასწია შორს, აღმოსავლეთისაკენ. მიჰქრის ობლად, მთელი ძალ-ღონით ვარსკვლავისკენ მიესწრაფება და თავის გულნადებს სხვა-და-სხვა სახით ლურჯ ცაზე ხატავს.

განვლო ერთი მთა, მრავალ ხევ-ხუეს ქარივით გადაურბინა, და აჰა!—საცაა კიდევ შიალწევს.

დასავლეთს ამ წამს აღისფერი ტუჩი კიდევ გაუცრიაგდა; აღმოსავლეთით კი ცა უფრო გაღრმავდა და ისე მოიბინდა, თითქო ნაღვლიანმა ფიქრმა მოიცვა მისი სახეო.

ყრუა ქვეყანა, გარშემო ყველა ძილისათვის გაეშხადა და გაყუჩდა. სიო ცაში ბაიათებს აღარ მღერის და ქვემოდაც აღტაცებით ფოთლები ტაშს აღარ უკრავენ.

დაწყნარდა ყველა. მხოლოდ თეთრი პატარა ღრუბლის ნაქერი უფრო მოუსვენრად მიჰქრის და მიესწრაფება, რადგან ეამი მოახლოვდა... აგერ ცა ერთ მხარეს კიდევ ნათდება. ცოტა კიდევ, და მარცხმა დიდებულად ამოანათა.

—მე, მშვენიერო!..—ამ დროს ცის წიაღში ყრუდ მისმა გულგასაგმირი გამოძახილი და ის ეამი იყო, რომ ამ ხმასთან ერთად სპეტაკი ღრუბელი ჯერ ლენჯაქივით გაცრიაგდა და შემდეგ უშალ საღლაც გაჰქრა ისე, რომ მისი ნასახიც აღარსად სჩანდა; გაჰქრა, ისე რომ ვერ ეღირსა სიმღერის თქმა, ველარ ეღირსა, რომ მრავალფეროვან შარავანდედათ თავს ნეტარებით შემოვლებოდა...




ეს კი იყო, რომ მის სახსოვრად მხოლოდ ერთად-ერთი წვეთი ცრემლის მგზავსად ზეცას მოსწყდა, მაღალ მთაზე დარაჯივით გაღმომდგარ ნაძვს დაეცა და ჩაფიქრებული გამოარკვია.

— ... და აი — ქვეყნად ყოველივე ასე ხდება, — ნაღვლიანად წაიღუდუნა მან, თან ერთი წუთით შეირხა და პირ-მოკუშული ისევ ჩაფიქრდა.

ნქობი





პეტრე მკვათაძე

# სელოვანების ქუჩები

(ისტორიული მოთხრობა\*)

## VIII



ამარჯვებული იულიუსი ჯერ ისევ ბოლონიაში იმყოფებოდა, როდესაც მიქელ ანჯელომ მოამზადა უკვე მისი თიხის მოდელი. პაპიმ სრულიად მიივიწყა აკლდამა და აღფრთოვანებით ოცნებობდა თავის ბრინჯაოს ალაღმაზე, რომელსაც უნდა დაემშვენებინა სან პეტრონიოს ეკლესიის ზედაპირი ბოლონიაში.

\* იხილეთ „ნაკადული“-ს მე-4 №.

ჩაფიქრებული იჯდა მიქელ ანჯელო თავის ჩვეულ, ღირბ, საძაველ ოთახში! დრო-გამოშვებით უცქერდა შეძერწვილ მტარვალს და ხმა-მალღა ელაპარაკებოდა თავის თავს:

— ახალი ხაფანგია, ქრისტეს გეფიცები! რომ არ დაიჯერა! აბა რა ჩემი საქმეა ბრინჯაოზე მუშაობა! განა ბრინჯაოს ჩამოსხმას ცოდნა არ უნდა?! ვინ დაგიჯერა!

— აბა ვნახოთ, ვნახოთ, საყვარელო შვილო, როგორ აღიდებ ქრისტეს მოადგილეს!— მოისმა მოულოდნელად ხმა იულიუსისა, რომელიც მოვიდა სახელოსნოში ალაღმის სანახავად. პაპი მაკურთხეველად იყო გამოსახული, ხოლო მარცხენა ხელი თავისუფალი ჰქონდა, რადგან ხელოვანმა არ იცოდა— რა მიეცა მისთვის ხელში.

— წმიდაო მამავ, წიგნს ხომ არ დაიკერთ ამ ხელში?— შეეკითხა მიქელ ანჯელო.

— წიგნსა?— შეჰყვირა პაპიმ, — რა გამოსადეგია ჩემთვის წიგნი! ნასწავლი ხომ არა ვარ! მე მახელი მქირია, და არა წიგნი!

ცოტა ფიქრის შემდეგ მიჰმართა ისევ ხელოვანს:

— რას ნიშნავს ხელის გაქნევა: კურთხევას თუ წყევლას?

— მუქარას, თქვენო უწმიდესობავ! მუქარას ბოლო-ხიელთა მიმართ, უკეთუ ურჩობას გაჰხედავენ!— უპასუხა აჩქარებით ხელოვანმა, და არ იცრუა, რადგან მის წარმოდგენაში თვით ქრისტეს მოადგილესაც კი რისხვა უფრო შეეფერებოდა, ვიდრე კურთხევა.

კმაყოფილი მიდიოდა იულიუსი მიქელ ანჯელოს უბრალო სენაკიდან, მაგრამ ნაადრევი იყო მტარვალის კმაყოფილება. არ იმოქმედა არც მისმა მუქარამ, არც წმიდა პეტრეს გასაღებებმა, რომლებიც ხელოვანმა დააქერინა მახეილის მაგიერ მარცხენა ხელში. ხალხთა მოძრაობის დროს ბოლო-ნიაში 1511 წელს გადმოგდებული მალალ ნიშიდან და დამ-

სხვრეული აღაღმა გარდასხმულ იქმნა ზარბაზნად, რომელსაც დაერქვა სახელად „იულიუსი“.

## IX

უცნაური აღელვება ეტყობოდა მიქელ ანჯელოს: ხან გაწევბოდა სკამზე, ხან ჩვეულებრივი მოძრაობით მიეყუდებოდა თავხეს, ხან ყალამს დააფლებდა ხელს და მუშაობას მიჰმართავდა. არაფერი ჰშველოდა: უძღლური იყო მისი ყალამი. მიქელ ანჯელო სიარულს იწყებდა ხარაჩოებზე, რომლებიც იმდენად ჰქონდა შესწავლილი, რომ დაუხედავად ჭედილი და საშიშარ ადგილებს, თუმცა აღელვებას მისთვის თვალის სინათლემ კი გაეტაცა. ასეთი იყო ხელოვანი. სისხლი სიბრაჯისაგან ყელში აწევებოდა. დრო-გამოშვებით ჩერდებოდა იგი, იქნევედა მუშტებს და წაილაპარაკებდა:

— დამაცალე, შე ლეკო! მე გიჩვენებ შენ, რის ღირსია შეილი, რომელიც მუშტს უღერებს მამას! საზიზღარო!

— მესსერე\*), მართალსა ბრძანებ, საზიზღარია ადამიანი, მაგრამ ამისათვის სისხლის ამღვრევა ტყუილ-უბრალოა! სჯობს საუზმეს მიხედო: არაფერს მიჰკარებხარ დილიდან! მზადაა უკვე თბილ-თბილი პური და ლორი!— ეუბნებოდა ხელოვანს კოზიმო, რომელსაც არა ერთხელ ენახა ოსტატის გაშმაგება და გაეგონა მისი მონოლოგები.

— კმარა! როდესაც მე სიტყვა არ მყოფნის, საქმეს მივმართავ! აი უკვე თორმეტი წელია, რაც გლახაკის ყოფაში ვარ, ვხეტიალობ, ვთვლავე იტალიის მიდამოებს, ვითმენ ათასგვარ დამცირებას, განვიცდი ყოველნაირ უბედურებას, ვაუძღლურებ ჩემ სხეულს მძიმე მუშაობით, მრავალ საფრთხეში ვაგდებ სიცოცხლეს, მხოლოდ მისთვის, რომ შევეწიო ჩემს ოჯახს, ახლა კი, როდესაც მე ცოტაოდნად დაეაყენე

\*) ბატონო.



იგი ფეხზე, შენ ერთ საათში ანგრევ იმას, რასაც მე ასეთი ტანჯვით ვქმნიდი რაპდენიშე წლის განმავლობაში! ღმერთია მოწამე! არა, ვერ მიალწევ საწადელს.

მართალია, კოზიშო კარგად იცნობდა თავის ბატონს, მაგრამ მისგან ასეთ შრავალ მეტყველებას სრულიად არ მოელოდა. ალბად ნამეტანი ამალეღვებელი იყო წერილი, რომელიც დღეს მიიღო მიქელ ანჯელომ.

ნათელი დღე იდგა. ფერადებით გათხუპნული სახით ხელოვანი სიყვარულით ჰქმნიდა „ქვეყნის დაბადებას“. ანგელოზებით გარსშემორტყმული მამა-ღმერთი ზეციდან უბლოვდებოდა ტიტველა მიწაზე მწოლარე ადამს და შეხებას უპირებდა, ხოლო ჯერ არ შეჰხებია მის ხელს, რათა სიცოცხლე მიენიჭებია. ფრთხილად მუშაობდა ოსტატი ადამის უძღურ ხელზე, რომელიც მძინარე ბავშვის ხელს მოგაგონებდა, ბავშვისას, რომელიც უნდა გაიღვიძოს და არ იღვიძებს. მუშაობით გატაცებულმა მიქელ ანჯელომ სრულიად დაივიწყა, რომ გაგზავნა კოზიშო საუზმის მოსატანად, როდესაც კიბეზე მოისმა ნაცნობი ქრიალი. ხელოვანი მიიმალა ფიქრებს უკან, რადგან ერიდებოდა უცხო ადამიანს, მაგრამ ტყუილად შესწუხდა: მოვიდა კოზიშო და საუზმესთან ერთად მოიტანა წერილი, და სწორედ ეს წერილი იყო ხელოვანის აღშფოთების მიზეზი. სწერდა მამა. სიხარულთან ერთად, რადგან წერილი ერთად-ერთი ანარეკლი იყო შორეულ საყვარელ სამშობლოსი, მას მოჰქონდა თან აუწერელი სიმწარე. იცოდა ეს მიქელ ანჯელომ; ამიტომ, თუმცა აჩქარებით ჩამოართვა მსახურს, პატარა ხანს ხელში ატრიალა, იფიქრა და დიდი ყოყმანის შემდეგ გახსნა.

საკუთარ კერას მოკლებული მიქელ ანჯელო ზრუნავდა მამისა, ძმებისა და ძმისწულებისათვის; ძმები უსინიდიდისოდ აცალიერებდნენ მის ჯიბეს და ამასთან ერთად არა ჰგრძნობდნენ მის მიმართ მაღლობას; კარგად ჰხედავდა ამას მიქელ ანჯე-

ლო, ხოლო ამაცი იყო ძლიერ, რომ მათთვის ეს ეჩვენებინა. მაგრამ ძმები არ კმაყოფილდებოდნენ ამით და უფრო და უფრო ცუდად ეპყრობოდნენ მამას. უკანასკნელ წერილში მამა სჩიოდა უმცროს შვილზე—ჯიოვან-სიმონზე. თუმცა მიქელ ანჯელოს ჯიოვან-სიმონე უყვარდა სხვა ძმებზე მეტად, მაინც მოთმინების ფილა აევსო და აქვე დაიწყო წერილის წერა. აღშფოთებული სწერდა ხელოვანი ძმას წერილს და მასში გამოსთქვამდა ყველაფერს, რაც კი აწუხებდა. სწერდა და ღრო-გამოშვებით ხმა-მალა წაილაპარაკებდა:

— შენ ჩემი ძმა არა ხარ, ვინაიდან, ძმა რომ ყოფილიყვი, მამას არ დაემუქრებოდი. შენ ცხოველი ხარ, და მე მოგეპყრობი, როგორც ოთხფეხს!...

მაშინ მოისვენა მიქელ ანჯელომ, როდესაც გაგზავნა წერილი.

## X

ბრწყინვალე და შავ-ბნელი დღესასწაული იყო მიქელ ანჯელოსათვის ყველა წმიდათა დღე 1512 წელს, როდესაც პაპის სიქსტინის კაპელაში მოშორებულ იქმნა ხარაჩოები, და დამსწრეთა თვალწინ გადიშალა დიდებული შემოქმედება ხელოვანისა. შესრულდა სურათი, და ოსტატის გულმა სიცივე იგრძნო. მაგრამ სანამ მოაშორებდნენ ხარაჩოებს და ჩადგებოდა მტვერი, მიქელ ანჯელოს ცოცხლად წარმოუდგა ის აუტანელი ტანჯვა, რომელიც გამოიარა მუშაობის დროს, მუღმივი ექვი, რომელიც დაკინებით ჰქენჯნიდა, პირველი მარცხი ფრესკების ხატვაში, გემის სილიადე, პაპის მოუთმენლობა, მარტოობა, თვალის სინათლის დაკარგვის და ადამიანის ცბიერების შიში, მოაგონდა ის, რამაც მოსწყვიტა მას წელი.

როგორც ყველა თავის ნაწარმოებში, მიქელ ანჯელომ



აუხვია გვერდი სიყვარულს და აქაც ძალა გამოისახა დიდი ხანი მოანდომა კუნთების გამოხატვას.

— აპირებ როდისმე გათავებას, თუ არა? ყველა კუნთი თუ გამოხატე, ჩემი ხსენებაც არ იქნება მაშინ დედამიწაზე! ან რისთვისაა საკირო? — შეჰყვირა მოთმინება — დაკარგულმა იულიუსმა, რომელსაც მართლა ეწინოდა, რომ არ მოესწრება სიქსტინის ფრესკების გათავებას.

— როდესაც შევძლებ! — იყო პასუხი.

— როდესაც შესძლებ! ჰმ! მე არა მსურს, რომ შენ წვრილმანების გამოხატვას მოანდომო დრო! გესმის?

— თუ აგრეა, მიანდობდით ამ საქმეს აი თუნდა თქვენ საყვარელ რაფაელს, და ის მალე დაგიხატავდათ ქერსა! არა, მე ჩემ ნამუშევარს უმალ მოესპობ, ვიდრე სხვას გაეფუჭებინებ!

— რაო, რაო? — შეჰყვირა ახლა კი განრისხებულმა იულიუსმა და ორჯერ დაარტყა კვერთხი ურჩ მონას.

ამის როჰყვა 500 ლუკატი\*) და პაპის ბოდიში. მაგრამ ფული და ბოდიში განა დააფიწყებდნენ მიქელ ანჯელოს შერუაცხყოფას!

გაუელვა ამ მოგონებამ ხელოვანს და მიახედვინა პაპისაკენ, რომელსაც შემორტყმოდნენ ეპისკოპოსნი, პრელატები\*\*) და კარდინალები\*\*\*). დამსწრენი სიზმარში ჰგრძნობდნენ თავს. სიქსტინაში გამოისახა ოცნება იტალიის დიდებაზე, და ეს ოცნება, გმირული ფიქრები, შეიმოსა გმირულ სამოსელში. ღმერთთა სიმზიარულე, წინასწარმეტყველთა სიბრძნე და დედის სიყვარული, ქრისტიანულ გრძნობასა და

\*) ოქროს ფული, დაახლოვებით სამი მანეთის ღირებულებიანა.

\*\*) კათოლიკეთა უმაღლესი სასულიერო პირები საეკლესიო საქმეების გარჩევის უფლებით.

\*\*\*) წინაღ რომელიმე ეკლესიის მუდმივ მღვდელ-მსახურთა ხარისხი, ახლა კი პაპის შემდეგ უმაღლესი სასულიერო პირნი.



წარმართთა მოგონებაში გადახლართული, რასაკვირველია გაუგებარი იყო მაცურებელთათვის, ხოლო ჰგრძნობდნენ ისინი, რომ მათ თვალწინ განიპო ცა და მოუვლინა ღვთიური სურათი

— დიდება შენდა, ბუნაროტტი!— მიუბრუნდა თვალცრემლიანი იულიუსი ხელოვანს და გადაეხვია.— შენ მოახდინე სასწაული! მაგრამ, იცოდე, ამ დიდებაში წილი მიღვეს, რადგან უჩემოდ სურათი დაუთავებელი დარჩებოდა!

სთქვა რა, პაპიმ ისევ შეხედა ქერს და დაუმატა:

— ჩინებულია, მაგრამ სურათს ცოტათი რომ შეეხოს ოქრო, უკეთესი იქნება! ღვთის სივანე დიდმშვენიერი და მდიდარი უნდა იყოს, თორემ მდაბიო ხალხს ღარიბად ეჩვენება!

— ოქროთი დამშვენება ადვილი საქმეა, მაგრამ ეს სიყალბე იქნება, რადგან აქ გამოსახულნი ღარიბნი იყვნენ,— უბასუხა ხელოვანმა და დაათვალიერა უკანასკნელად ნახატები. ეს იყო საღამო—გამოთხოვება.

## XI

ხალხის მოძრაობის კოცონი ფლორენციაში, რომელშიაც მიქელ ანჯელო დებულობდა მხურვალე მონაწილეობას 1527 წელს, უკვე ცივ ფერულად იქცა; პაპის ტახტზე იყო პავლე მესამე, ისეთივე თვითნება ადამიანი, როგორც იულიუსი. მიქელ ანჯელოს აღარაფერი დარჩენოდა დედამიწაზე: არც ხელოვნება, არც პატივის მოყვარება, არც სიყვარული, არც მცირეოდენი იმედი. ამძიმე შრომამ ყიყვით დამაჯილდოვა; მუცელი ნიკაპამდის ამებერა; წვერი ცისაკენ მიიწვეს;





კინკრიხო ზურგს ებჯინება; მკერდი ჰარპიის მკერდს ჰგავს; მე გაქიპული ვარ, როგორც სირიის მშვილდი; ტანსავით დამეტანჯა გონებაც, რადგან ცუდია დაქევილი საყვირი საკრავად“, — სწერდა მიქელ ანჯელო და იტანჯებოდა საკუთარ სიგონჯისაგან. მაგრამ უცებ მის დაცარიელებულ, გამოფიტულ გულში აინთო ახალი სიცოცხლე, აპყვავდა ახალი გაზაფხული, და 1536 წელს ხელოვანი იწყებს „საშინელ სამსჯავროს“, სურათს, რომლითაც უნდა დასრულდეს სიქსტინის შევენება.

გავიდა თითქმის ოთხი წელიწადი. სურათის დასრულება ახლოს იყო, როდესაც მიქელ ანჯელოს ჩვეულებისამებრ ეწვია პაპი პავლე.

— როგორ მოგწონს სურათი, მესსერ ბიაჯიო? — მიუბრუნდა იგი თავის კარის კაცს.

— ძალზე სათაკილო ნაწარმოებია, წმიდაო მამავ! ასეთი გამოხატულება სამიკიტნოს და აბანოს შეეფერება, და არა პაპის კაპელლას! — უპასუხა კარის კაცმა, რომელსაც ერთი-რა გამოხატულთა სიტიტვლე.

ასეთი მკაცრი და შეუბრალებელი იყო პირველი გასამართლება მიქელ ანჯელოს ნაშრომისა. მაგრამ ხელოვანის ყალბი არა ცხრებოდა. მიქელ ანჯელომ ხელად დახატა ზეპირად თავისი პირველი მსაჯულის სურათი და შემდეგ გამოიყვანა იგი ჯოჯობეთში მინოსის სახით, ვეება გველ-შემოხვეული, მთელ ლეგიონ ეშმაკთა შუა. ბიაჯიომ იცნო თავისი თავი სურათზე და შესჩივლა პაპის, ხოლო ტყუილად გაისარჯა:

— განსაწმენდელში რო მოეთავსებინე მიქელ ანჯელოს, მე რამეს მოვიქმედლი შენდა სახსნელად, მაგრამ მან მოგათავსა ჯოჯობეთში, იქ კი მე უღონო ვარო!

შეურაცყოფილ ბიაჯიოს აღმოუჩნდნენ ძლიერი დამცველნი; მას გამოეხმაურნენ სხვებიც, და მალე, პაპის პავლე მეოთხის დროს, მიქელ ანჯელოს მტერთა ბანაკმა მიიღო სამუქარო ზომა.

— ქეშმარიტად, ის ფრესკა უნდა მოისპოს.

— ეს ხომ ლუთრანგთა ტალახია!

— ეს ხომ ქრისტიანთა რწმენის და ადამიანის სიფაქიზის გაქვლევაა! — გაისმოდა აქეთ-იქიდან მათი ხმა, რომელმაც საკმაოდ შეაშინა მხდალი ქრისტეს მოადგილე და აიძულა გამოენახა საშუალება ყაყანის ჩაჩუმებისათვის.

— ბუნაროტტი! მეტი გზა არ არის, ტიტველთ ტანთ-საცმელი უნდა გამოუნახო! ნამეტნავად ანგელოზთა და მართალთა! ეშმაკებს მიინც-და-მიინც არ ესაქიროებათ მთელ ტანის დაფარვა! — მიჰმართა პაპიმ დაბარებულ მიქელ ანჯელოს, რომელმაც მხურვალე რწმენა ჩაურთო სურათს, და არა სიბილწე, რასაც სწამებდნენ მოწინააღმდეგენი.

— შეუძლებელია, თქვენო უწმიდესობავ!

— კმარა! უშენოდაც გაუძღვებით საქმეს! — მკაცრად ჩამოართვა სიტყვა პავლემ.

მართლაც, პაპის ბრძანებით, მიქელ ანჯელოს შეგირდმა დანიელ დე ფოლტერმა ჩააცვა ტიტველთ „საშინელ სამჯავროში“ ტანთსაცმელი და მიიღო უხვი ჯილდო, რადგან იკისრა მასწავლებლის ნაშრომის დამახინჯება.

როდესაც ოსტატს შეატყობინეს ესა, მან გულგრილად სთქვა:

— გადაეცით მის უწმიდესობას, რომ ქვეყანა მოაწესრიგოს, თორემ სურათის გადაკეთება ადვილი და უბრალო საქმეა!

ფაქიზი იყო მიქელ ანჯელოს სული, და უმნიშვნელოდ მიაჩნდა მას სიცოცხლე სააკაოს—დედამიწაზე, მით უფრო, რომ ამ დროს ჰკარგავდა უკანასკნელ მეგობარს.

## XII

თვითონ უცნაური, მიქელ ანჯელო მეგობრებსაც კი უცნაურებს ირჩევდა. სხვათა შორის იგი არაჩვეულებრივ მიზიდველობას ჰგრძნობდა სასაცილო და უწყინარ ჯიულიანო ბუჯიარდინისადმი, რომელსაც ყველაზე მეტად უყვარდა საკუთარი ნახატები. კაღნიერი და მძაფრი ამა ქვეყნის ძლიერთა თანა, მიქელ ანჯელო იჩენდა იშვიათ მოწყალებას და შებრალებას პატარა ადამიანის მიმართ.

— თავისუფალი ხარ: არსებითი შენს სახეში მე უკვე შეევიწინე!—უთხრა მიქელ ანჯელოს ჯულიანომ ორი საათის ხატვის შემდეგ.

— ჯულიანო, ეს რა გიქნია, წყეულო? ერთი თვალი საფეთქელში გაგიქანებია: აბა შეხედე!—მიჰმართა მას ხუმრობით მიქელ ანჯელომ, ნახა თუ არა მისი ნახელავი.

— არა მგონია, რომ ასე იყოს! მაგრამ მაინც დაჯექ ისევ შენს ადგილზე, და მე ფიცხლავ შეევსწორებ, თუ მართალი ხარ!—უპასუხა გაბრაზებით ჯულიანომ და რამდენჯერმე შეჰხედა სურათს და მიქელ ანჯელოს.

მიქელ ანჯელო დაემორჩილა ღიმილით, მაგრამ ჯულიანომ სინჯვის შემდეგ გაიმეორა:

— თვალი ისეთია, როგორც მე დავხატე, როგორც ნამდვილად არის.

— მაშ სჩანს ეს ბუნების შეცდომა! განაგრძე და ნუ დაიშურებ ფერადებს!—მოუწონა მიქელ ანჯელომ.



ასეთი კეთილი გული იმალებოდა ხელოვანის ქოფიტ კანს ქვეშ. ამიტომ საკვირველი არ არის, რომ ერთგულ მსახურის, კოზიმო ურბინოს სიკვდილმა ააღელვა და შეაწუხა იგი. სულ უკანასკნელ ხანებში, როდესაც ხელოვანი ჰგრძნობდა თავს სიკვდილის კლანკებში, შეეკითხა კოზიმოს:

— რას იზამ, კოზიმო, მე რომ მოვკვდე?

— ახალ ბატონს გამოენახე.

— უბედურო! შემწეობა მინდა აღმოვიჩინო!—უთხრა აღერსით კოზიმოს და მისცა მას 2000 ეკიუ\*), საჩუქარი მართლა რომ მეფუჭრი.

მაგრამ მოსტყუვდა ხელოვანი: ურბინომ პირველმა გადასდგა ნაბიჯი საიქიოსაკენ და დაუტოვა ცხოვრებისაგან მოქანცულ მიქელ ანჯელოს დაუსრულებელი დარდი და სიმწარე.

მოწყვეტილი მიქელ ანჯელო სწერდა მეორე დღეს თავის ძმისწულს:

„ურბინო გარდაიცვალა ვუშინ საღამოს, ოთხ საათზე. დამტოვა მე იმდენად შეწუხებული და აღელვებული, რომ სიკვდილი სიციცხლეზე სასიამოვნოდ მიმაჩნდა. მიყვარდა იგი, და ღირსიც იყო ამსიყვარულისა, რადგან ის იყო კეთილშობილი, პატიოსანი და ერთგული ადამიანი. მისმა სიკვდილმა ისე იმოქმედა ჩემზე, რომ დამაკარგვინა სიციცხლის სურვილი და სულის სიმშვიდე“.

ჩრდილი იზრდებოდა; მზე დასავლეთისაკენ იხრებოდა; უნდა დავარდნილიყო მოქანცული გოლიათიც.

\*) ძველებური ფრანგული ფული.

## XIII

— მე ვცხოვრობ განმარტოებული, საბრალო და მომწყვდეული, როგორც რბილი გული ხის კანში... ხმა ჩემი კრაზანას ხმას ზიგავს, ტყავის და ძვლების ტომარაში მომწყვდეულს; კბილები მენძრევა საკრავ იარაღის ძვლებსავეთ... სახე ჩემი მოგაგონებს საფრთხობელას; ყურებში მიწივის განუწყვეტლივ: ერთში ობობა ქსოვს ქსელსა, მეორეში კრიტიკები ყბედობენ მთელი ღამე... აი ნაცოფი ხელოვნებისა, რომელმაც დიდება მომანიჭა. უბედური, საბრალო მოხუცი, მე დავიღუპე, სიკვდილი თუ არ მიხსნის საჩქაროდ... შრომამ დამტანჯა, და მოსვენება, რომელიც მე მელის, სიკვდილია.— ასე სწერდა მიქელ ანჯელო, და სასურველი სიკვდილიც ნელა-ნელა უახლოვდებოდა. დაუჯერებელი მოხუცი უარპყოფდა ადამიანის და ექიმის დახმარებას და, მოუსვენარი, გადიოდა სასერიწოდ თავის პაწია ბაღში წვიმიან ამინდშიც კი.

სალამო ხანი იყო. ბუხარში გულ-ამოსკვნით გუზგუზებდა ცეცხლი. მიქელ ანჯელო ჩამოჯდა აქვე სავარძელში, მაგრამ ველარ გაუძლო ძვლებში გამჯდარ სიცივეს და სისუსტეს და ჩაწვა ლოგინში, რომელშიაც ვაატარა მხოლოდ ორი დღე. უკანასკნელი სიტყვები მისი იყო:

—სული—ღმერთს, ხორცი—მიწას, ქონება—ნათესავეებს.

თებერვლის 18-ს, 164 წელს, სალამოს ხუთ საათზე მშვიდად ჩაპქრა სიცოცხლე დიადი ადამიანისა, მოსწყდა აღორძინების მზეს მხურვალე სხივი, რომელიც აცხოველებდა დიდხანს სამშობლო იტალიას. თებერვლის მძვინვარე ქარი ზუზუნებდა კარში და სახლის წინ გაშენებულ ბაღში აშრიალებდა

შარშანდელ გამხმარ ფოთლებს. ნაწვიმარ დაფნის ტოტზე წამოსკუბებულოყო ვეება ყვაევი და ჩაციებით ჩხაოდა. რაღას-ლადასჩხაოდა წყეული? ვანა სიცოცხლესთან ერთად ტანჯვასაც არ მოედო ბოლო?!

## XIV

— ჩუ! ნუ მალვიძებ! — იძახოდა სიცოცხლისას მიქელ ანჯელო, მაგრამ როდი ისმინა მისი სიტყვები ადამიანმა.

ლამეს უკვე გაეხვია თვის ბნელ ფრთებში საუკუნო ქალაქი. მისძინებოდა ზარების ხმას, რომელიც ლოცვად ეფინებოდა დღისით რომის ალერსიან ცის კამარას. ყველგან სუფევედა მშვიდობა. ერთად-ერთი წმ. მოციქულთა ეკლესია იყო ამ მშვიდობას მოკლებული.

— ფრთხილად, ფრთხილად ამოსწიე! სულელ გრილლოს გვამი კი ნუ გგონია, კოდვილო!

— შენ გაუფრთხილდი, თორემ მე დარიგება არა მჭირია! ისედაც საკმაოდ ვგრძნობ, რა ძვირფასი საუნჯე ამოგვათხრეინა მიწიდან კოზიმო მედიჩიმ!..

— კარგია, შენმა მშემ, ნუ გააბი ლაპარაკი ენა-ლაქლაქა მქალდაგებელივით; გირჩევნია მალე შეეკერო ეგ ტომარა, რომ დროზე მივიდეს ფლორენციაში!..

ასე ლაპარაკობდნენ და აქეზებდნენ ერთმანეთს ფლორენციის ჰერცოგის კოზიმო მედიჩის გამოგზავნილი კაცები, რომელთაც დავალებული ჰქონდათ ამოეთხარათ მიქელ ანჯელოს გვამი და გაეგზავნათ ფლორენციაში. მაგრამ ტყუილი იყო წაქეზება, რადგან უამისოდაც ეჩქარებოდათ მინდობილობის ასრულება.

— შეხე, შეხე, თითქოს წმიდათა ნაწილები იყოს: სრულიად გაუბრწყნელია!— უჩვენებდა ერთი მეორეს დიდებულ ადამიანის გვამს, პატარას, ჩაშავებულს და მართლა რომ ნაწილებსავეით გამხმარს.— შესაძლოა განა, რომ ამდენ ხანს გასძლოს სხეულმა?!

— გამჩენო! ისეთივე მახინჯი განიერი პირი, ისეთივე ამაყი, ავი ნაოკები მის გარშემო! სიკვდილმაც კი ვერ წაშალა იგინი!

არა სტყუოდნენ მოლაპარაკენი: თუმცა ოცდა ხუთი დღე გავიდა, მიქელ ანჯელოს გვამი მაინც უბრწყნელი იყო...

დიდის ამბევით დაასაფლავა ფლორენციამ დიდებული ხელოვანი სანტა კროჩეში, დანტეს ძეგლის გვერდით, და შეაერთა ორი სხეული, მარად შეერთებული უკვე ხალხის ხსოვნაში. მოსვენებას ეძებდა სიცოცხლისას მისი შშფოთარე სული, სიკვდილის შემდეგაც ვერ ჰპოვა იგი; თუმცა აღარაფერს ჰგრძობდა ახლა, გაქვავებულ სახეზე მაინც გამოსთქვამდა ფუჭ სიცოცხლისადმი სიძულვილსა.

დავ. კილიანაძე





## გარდახვეწილი

(გულენი ნაკო მისი)



ურთაა ჩემი ქვეყანა,—  
 კახეთის არემარეო;  
 დღისით და ღამით ბრწყინავენ  
 მის თავზე მზე და მთვარეო.

ათასფერ ყვავილ-ვარდებით  
 მოქარგული აქვს ველები;  
 მის მკერდზე ანცი წყარონი  
 სკურავენ, ვითა გველები.

გნოლი, ხოხობი, ქედანი—  
 დასტრიალებენ თავზედა;  
 ბულბულნი ლექსებს უსტვენენ  
 სასიამოვნო ხმაზედა.

მიყვარდა, ერთობ მიყვარდა  
 ის ჩემი ტურთა მხარეო,—  
 სად ბევრი კარგი ვიწვნიე,  
 ვინეტარ-გაეიხარეო.

დედამ იქ მშობა, იქავე  
 მიმღერა ტკბილი ნანაო;



იქ გავიზარდე, ცხოვრების  
 ვისწავლე ანა-ბანაო.

მაგრამ... ცხოვრებამ მიმუხთლა,  
 ვადამეკიდა წყეული;  
 შორს გადმომაგდო, დამტოვა  
 თვალ-ცრემლიანი, ეული,—

ველარ ვმზერ ტურფა ქვეყანას,—  
 ჩემსა სამშობლო მხარესა;  
 ვენახებს, ბაღებს, ყვავილებს,  
 ანც წყაროს მოჩქრიალესა.

ვზივარ, და გული მიკვნენის,  
 ხშირად ცრემლს ვაფრქვევ მწარესა!..  
 ოჰ, ღმერთო, როდის ვეწვევი  
 სამშობლო არემარესა?!...

მიყვარდა, მიყვარს ძალიან  
 ჩემი კოპწია მხარეო,  
 სად ბევრი კარგი ვიწვნიე,  
 ვინეტარ-გავიხარეო.

დედამ იქ მშობა, იქავე  
 მიმღერა ტკბილი ნანაო;  
 იქ გავიზარდე, ცხოვრების  
 ვისწავლე ანა-ბანაო.

დ. კლიაიზაშვილი





## ბატონიშვილი და ლალა

(ხალხური ზღაპარი)



ყო და არა იყო-რა, — ღვთის უკეთესი ქვეყნად  
რა იქნებოდა, — იყო ერთი დიდი, მდიდარი და  
ნებიერი ბატონიშვილი. ამ ბატონიშვილს ისე-  
თი ხასიათი ჰქონდა, რომ თუ ძილისპირად  
ზღაპარს არ ეტყოდნენ, ისე ვერ დაიძინებდა.  
ამიტომ მუდამ ჰყავდა ზოლმე დაქირავებული  
ერთი ლალა, რომელიც იმის შეტს არას უკე-  
თებდა, რომ ყოველ ღამე ზღაპარს ეუბნებოდა და აძინებდა.  
ერთხელ ბატონიშვილმა ერთი ლალა დაიქირავა. ძალიან  
ბევრი და ძალიან კარგი ზღაპრები იცოდა ლალამ და ბატონ-  
ნიშვილსაც ძალიან უყვარდა. ბატონიშვილს ლალა სამი წლის  
ვადით ჰყავდა დაქირავებული. როცა ლალას ყველი გაუთავდა,  
ბატონიშვილთან მივიდა და მოახსენა: ბატონიშვილო, დღეს  
ყველი გამითავდა და გამისწორდით, შინ უნდა წავიდეთ.  
ეწყინა ბატონიშვილს: ასეთი მეზღაპრე როგორ გაუშვავო. თან  
საქმე ისიც იყო, რომ ბატონიშვილის ლალას ყველი გამოეპა-  
რა და ახლის თადარიგს არ შესდგომოდა, ამიტომ თუ ლალა  
დღეს წავიდოდა, იმ ღამეს ბატონიშვილი უზღაპროდ დარჩე-  
ბოდა და ვერ დაიძინებდა. შეეხვეწა ლალას — შენი კირიმე,  
ამალამაც დარჩი, ერთი ზღაპარიც მითხარი და დილაზე წადიო.



ამილამ უზღაპროდ ხომ არ დავრჩები. ხვალ კი სხვა ლალას დაეჭირავებ, თუ შენ არ გინდა ჩემთან დარჩენაო.

ლალა გაინახა—ჩემი ზღაპრები ოხერი კი არ არის, ტყუილ-ლა-უბრალოდ ვილაპარაკო. სამი წელიწადი წესიერად გემსახურე, ყავლი გამითავდა, ახლა სახლში მინდა წავიდეო.

— რას ინაზები: შენი ზღაპრები რა ძალიან გაგკვირვებიაო, — უპასუხა ბატონიშვილმა.

— თუ არ გამკვირ ვებია, მაშ რაღას მეხვეწები, გამიშვი—წავიდეო,—მიუგო ლალამ.

ბატონიშვილს გული მოუვიდა.

— ლალავ!—უთხრა მან,—იცი, რას გეტყვი? აი, ჩემ ბუხრის ქუდს ოქროთი გავავსებ და სანაძლეოს დავდებ. ამალამაც აქ დარჩი და ზღაპარი მიაშბე. თუ შენ შენი ზღაპრით გამაკვირვებ, ეს ბუხრის ქუდი ოქროთი სავსე შენი იყოსო, თუ არა და—ქუდიც მე დამრჩეს, ოქროც და შენი ზღაპარიც ჩემზე ალალი იყოსო.

— კარგია,—უთხრა ლალამ.—დაჰკრეს ხელი-ხელსა და დანაძლევენენ.

მთელი დღე დადიოდა ლალა და ფიქრობდა, თუ ისეთი რა ზღაპარი უთხრა ბატონიშვილს, რომ გავაკვირო. ის დღე რომ დაღამდა და ბატონიშვილი დასაძინებლად დაწვა, ლალა თავით მოუჯდა და ერთი საკვირველი ზღაპარი უამბო.

### ლალას ზღაპარი

იყო და არა იყო-რა, იყო ერთი თავადიშვილი. ჰყავდა სამი ათას სამას სამოცდასამი სკა ფუტკარი. ამ ფუტკარს ერთი მწყემსი სდარაჯობდა. მწყემსი ყოველ დღით გაპრეკავდა ხოლმე ფუტკარს საძოვარზე და საღამოთი კი ისევ შინ მორეკავდა.

საკვირველი იყო, რომ სამი ათას სამას სამოცდასამ სკა ფუტკარს ერთი მწყემსი ჰყოლოდა, რომ ამ მწყემსს ფუტკარი საძოვარზე ერეკნა; აბა ფუტკარს ან მწყემსს ვინ დაუყენებს, ან საძოვარძე ვინ გაპრეკავს; მაგრამ ლალას ბატონიშვილის გაკვირვება უნდოდა. ბატონიშვილი კი არა ჰკვირობდა.

— შეიძლება, შვილო, შეიძლებაო, — უთხრა ბატონიშვილმა.

— ეგ კიდევ არაფერია, — განაგრძო ლალამ: — თავადიშვილი მწყემსს ფუტკარს დილაობით თვლით ჩაიბარებდა ხოლმე და საღამოობითაც თვლით ჩაიბარებდაო.

სამი ათას სამას სამოცდა სამ სკას ვინ დასთვლის; მაგრამ ბატონიშვილმა არც ეს გაიკვირვა და ისევ უთხრა:

— შეიძლება, შვილო, შეიძლებაო.

— ერთ დღეს თვლაში ერთი ფუტკარი დააკლდათო, — განაგრძო ლალამ. — ბატონი გაუჯავრდა მწყემსს და გაადგო: წადი, ის ერთი ფუტკარი მონახე და მოიყვანეო. წავიდა მწყემსი, ბევრი იარა, მაგრამ ის ერთი ფუტკარი ვერსადა ნახა. ბოლოს ერთ დიდ მდინარეს მიადგა. ისეთი განიერი იყო ეს მდინარე, რომ ნაპირი არ უჩანდა. აი, ამ მდინარის გაღმა მწყემსმა დაინახა, რომ იმ ერთი ფუტკარს ხუთი მგელი დაჰსევია, მაგრამ მაინც ვერაფერს აკლებს.

— შეიძლება, შვილო, შეიძლებაო, — თავისას გაიმბზოდა ბატონიშვილი.

— მწყემსმა მოინდომა ფუტკარს მიჰშველებოდა, მაგრამ როგორ გადასულიყო მეორე ნაპირას, — განაგრძო ლალამ: — ხიდი არ იყო იმ მდინარეზე, ნავი და ბოგირი. ბევრი იფიქრა, ბევრი თავი იმტვრია და ბოლოს ასე მოახერხა: ყურებ-

ში ხელები წაივლო, თავი გადიქნია, ფეხები მალა იიქნია, მდინარეზე გადაფრინდა და მეორე ნაპირას გაჩნდა.

— შეიძლება, შეილო, შეიძლებაო, — სთქვა ისევ ბატონიშვილმა. — არ უნდა გაჰკვირდეს, და იმიტომ ესე სთქვა.

— მაგრამ ვიდრე მწყემსი გადაფრინდებოდა, მგლებს ის ფუტკარი შეეკამათ და მხოლოდ ძვლები-ღა იყო. — ცდილობდა ბატონიშვილის გაკვირვებას ლაღა. ბატონიშვილი კი გაიძახოდა:

— შეიძლება, შეილო, შეიძლებაო.

— რაღა ექნა მწყემსს, თავის ბატონს უფუტკროდ ხომ ვერ დაუბრუნდებოდა? შინ წასვლისა შეეშინდა და იფიქრა, — მოდი ზეცას ავალო. აიღო ფუტკრის ძვლები, ერთმანეთზე შეაწყო, ააკოკოლავე, ააკოკოლავე და უშველებელი სიმალლის კოშკი ცამდის კი აიტანა. თითონაც აჰყვა ამ ძვლების კოშკს და ავიდა ზეცას.

— შეიძლება, შეილო, შეიძლებაო, — არა ტყდებოდა ბატონიშვილი.

— ზეცაში მწყემსმა იქეიფა, ისეირნა და როცა იქ ყოფნა მოსწყინდა, ისევ დედამიწაზე ჩამოსვლა მოინდომაო, — განაგრძო ლაღამ. — მივიდა იმ ადგილას, სადაც ძვლების კოშკის წვერი ცას ებჯინებოდა, მაგრამ კოშკი იქ აღარ დახვდა, თურმე, ნუ იტყვი, იმ დროს, როცა მწყემსი ზეცაში ქეიფობდა, ის დიდი მდინარე მოდიდებულიყო და ის კოშკი წაელეკნა. დაღონდა მწყემსი, ახლა ქვევით როგორღა ჩავიდეთ! ბევრი ფიქრის შემდეგ გავიდა, იყიდა თოკი, ერთი წვერი წელზე მოიბა, მეორე ზეცის ძირს მიაბა და ჩამოეშვა. მაგრამ თოკი მოკლე მოსვლოდა და დედა-მიწამდის ვერ დასწვდა.

რა ექნა: აიღო, თოქს ზემოდ მოაქრა, ქვემოდ მოაბა და ისევ ჩამოეშვა.

— შეიძლება, შვილო, შეიძლებაო, — თავისას გაიძახოდა ჯიუტი ბატონიშვილი.

— ჩამოეშვა, მაგრამ მაინც ვერ დასწვდა დედამიწას: კიდევ მალლა იყო. კიდევ ისე მოიქცა: ზემოდ მოსქრა თოქსა, ქვემოდ მოაბა და ჩამოეშვა.

— შეიძლება, შვილო, შეიძლებაო.

— ჩამოეშვა, მაგრამ მაინც ვერ დასწვდა დედამიწას. მოუვიდა გული მწყემსსაო, — სჩმახავდა ლალა თავის სისულელეებს, — ამდენი სად ვაქრა და სად ვაბაო; გაუშვა თოქს ხელი და ჩამოხტა. ჩამოხტა, მაგრამ ყელამდის კი მიწაში ჩაეფლო.

— შეიძლება, შეიძლებაო, — ამბობდა ბატონიშვილი.

— იჯდა მწყემსი, მიწაში ჩაფლული, და ფიქრობდა, თუ როგორ ამოსულიყო მიწიდან. ბოლოს მოაგონდა, რომ იქვე ახლოს წისკვილი იყო; ადგა, წავიდა, მოიტანა ბარი, ნიჩაბი, თოხი, ამოთხარა და ამოვიდაო.

— შეიძლება, შვილო, შეიძლებაო, — არა ტყდებოდა ბატონიშვილი.

მოუვიდა გული ლალას, ამდენი საკვირველი და სულელური ამბავი ვუთხარი, და კი ვერ გავაკვირვეო. ამიტომ უთხრა:

— თუ ჩემი ნაამბობი არა გჯერა, მამა შენსა ჰკითხე, ბატონიშვილო, იმან იცის: იმ დროს ისიც იქ იყო და ღორებს ამოვებდაო.



— ოჰ, შე რეგვენო და სულელიო, მამა-ჩემი ჩემსე-ღიღი ბატონიშვილი იყო, მელიორედ რად დადგებოდაო, — შეტყვირა ბატონიშვილიმა.

— შენ თვითონ რეგვენო, რად მოტყუედიო, — უბასუხა ლალამ, წამოავლო ოქროთი სავსე ბუხრის ქუდს ხელი და თავის გზას გაუღდა.





# შავ ტყუანეტას შვილობილი

(შემდეგი\*)

## IX

### მამა ჟოზეფის <შვილები>



აგარი ძილის შემდეგ, სიცოცხლით სავსე, სახე-აწითლებული ფილიპე დილით მამა ჟოზეფთან გაკვეთილზე გაიქცა. მოხუცი წიგნის კითხვაში იყო გართული.

— დედილოს ეგონა, რომ მე დავიგვიანე; ძლივს გამალეძა, — სთქვა ფილიპემ მისალმების შემდეგ.

— არა, შვილო, შენ თავის დროზე მოდი: ესეც არის ექვსი დაჰკრა, — უპასუხა ფიქრებში გართულმა მამა ჟოზეფმა და წიგნი დაკეცა. სასიამოვნოა, რომ აგრე ბეჯითი ხარ. არქი-ეპისკოპოსს გამოვეზავენა ჩემთან და დღეს ცხრა საათისათვის დავებარებინე. ღამე არ მეძინა: სულ იმის ფიქრში ვიყავ, თუ რისთვის დამიბარა. დიდი ხანია, რაც ავდექი და იმის ფიქრში ვიყავ, ის ზარმაცი ბიჭი როდის მომიტანს ჩემ ფინჯან ყავას-შეთქი.

სხვა დროს ყოველთვის წყნარად მოუბარი მამა ჟოზეფი კოტათი გაჯაფრებით ლაპარაკობდა. ფილიპე თვალებით რალაკას დაეძებდა, და რა დარწმუნდა, რომ ოთახში არ არის, მოუთმენლიდ იკითხა:

\*) იხილე „ნაკადული“-ს მე-4 №.





— მამაო ეოზეფე, სად არიან ისინი?

— ჩემი „შვილები“? ისინი ისეთი ურჩნი, ისეთი მოუსვენარნი იყვნენ, რომ იძულებული გავხდი დამეტყვევებინა. თეთრიამ წიგნები დამისვარა; თოვლია კი სულერთიანად ყავაში მოისვარა. იმის მაგიერ, რომ პატიოსნად წაელო თავისი წილი შაქარი, დაიჯერებ თუ არა, მოუთმენლად ჩემ ფინჯანში ჩახტა და სულ გაიფუჭა აბრეშუმის ბეწვის თეთრი ქურჭი. ყველაფერი ეს იმიტომ მოხდა, რომ დღეს დაბნეული ვიყავი; ეგონათ, რომ ვერ შევამჩნევდი.

— მაინც სად არიან, მამაო ეოზეფე? შეიძლება გაკვეთილამდის ვნახო?..— იკითხა ფილიპემ.

— ბნელ შკაფში დავკეტე. როდესაც უზომოდ აღფლევებულნი არიან, ერთად-ერთი დამამშვიდებელი საშუალება— მათი ბნელაში დამწყვედვება. სუსტი ვარ, თავს არ ვიპართლებ. შეიძლება მე თვითონ გავანებივრე ისინი.

მამა ეოზეფემა თავი ფილიპესაკენ დახარა და საიდუმლოდ-წასჩურჩულა:

— კი არავის უთხრა, ჩემო შვილო, მე იმათ ცეკვა ვასწავლე.

— ოჰ, მამაო ეოზეფე, რა სასაცილო იქნება! გთხოვთ მაჩვენოთ, როგორ ცეკვავენ.

— ახლა არ შეიძლება. არ შემიძლია;— მამა ეოზეფემა შიშით ირგვლივ მიიხედ-მოიხედა. — უმუსიკოდ იმათ ცეკვა არ შეუძლიათ და მე დღისით, როდესაც ფანჯრები ღიაა, ქნარს ვერ დაუკრავ.

— განა თქვენ ქნარზე დაკვრაც იცით?— აღზნებული თვალებით შეეკითხა ფილიპე. — რა მშვენიერია ალბად, როდესაც თქვენ უკრავთ და „შვილები“ ცეკვავენ.

— დიახ, ძლიერ სასიამოვნოა. ისევ ყმაწვილი ვარ, როდესაც იმათთვის ქნარზედ უკრავ; დიდი ხანია მას აქეთ, ჯერ კიდევ სემენარიაში ვსწავლობდი, როდესაც ქნარზე დაკვრას შეუდგეკი. მუსიკა საშინლად მიყვარდა. მღვდლად კურთხევის შემდეგ იძულებული გავხდი მიმეტოვებინა.

— რისთვის, მამაო ეოზეფ? რისთვის გახდით იბულებული? — თანაგრძნობით ჰკითხა ფილიპემ.

— იმიტომ, ჩემო ძვირფასო ბავშვო, რომ, როდესაც ჩვენ ღვთის მსახურებას შეუდგებით, ბედრი რამ, რაც გვიყვარს, უნდა მივატოვოთ. ქნარი ძლიერ მიყვარდა, მაგრამ ის ჩემსა და ჩემ ვალდებულობის შუა იდგა, და მივატოვე. დიდი ხნის განმავლობაში თითქმის არც კი მინახავს. ახლა მოვხუცდი, და სირცხვილით უნდა გამოვტყდე — ისევ გამოვნახე. — მის მკრთალ პატარა სახეზე მონანიებამ გაიელვა. — მრცხვენია იმის თქმა, რომ ისევ ისე მიყვარს მუსიკა, როგორც წინად, და გულში მიხარია, რომ ძველი მგლოდინები ისევ მახსოვს. მე „შვილების“ ხათრისათვის უკრავ, რომ ცეკვა ვასწავლო. შენ კეთილი. ჰკვიანი ბავშვი ხარ და არ გამამხელ. მთელი ღამე არ მეძინა. ძლიერ მალეღვებს არქივისკოპოსის მიწვევა: ვაი თუ გაიგო ჩემი სისუსტე, ჩემი ჰკუა-თხელობა, და მიწვევს, რომ დამსაჯოს.

— არა, მამაო ეოზეფ. თქვენ ისეთი კეთილი ხართ! — გრძნობით სთქვა ფილიპემ. — ამგვარ უბრალო რამეზე როგორ დავსჯის.

— მეც აგრე ვფიქრობ, მაგრამ მაინც ვსწუხვარ. მის ყოველდღესამღვდელოესობას შეუძლია იფიქროს, რომ მე დაუდევრად ვეკიდები ჩემ თანამდებობას, მაგრამ, ჩემო საყვარელო ბიჭიკო, მე ყოველთვის ისე ვახერხებ, რომ „შვილებმა“ ხელი არ შეუშალონ ჩემს მუშაობას, — უკრავ გვიან ღამით, ან დილით ძლიერ ადრე, როდესაც გარეშა მო ყველას სძინავს.

— თუ კი თქვენი მუსიკა არავის გაუგონია, — აზრინად შენიშნა ფილიპემ, — არავის არ შეეძლო დაესმინეთ ყოველდღესამღვდელოესობის წინაშე; მაშასადამე თქვენი შიში უსაფუძვლოა, მამაო ეოზეფ.

— ვნახოთ: ყველაფერს ჩქარა გავიგებ. ვგონებ, რომ ჩემი საბრალო „შვილები“ საკმაოდ დაისაჯნენ. დამნაშავეო

გამოუშვებ, რომ გაკვეთილის წინ ნახო. ისინი დღეს მომზიბ-  
ლაენი არიან.

ამ სიტყვებით მამა ჟოზეფი თავის საწოლ ოთახში შე-  
ვიდა და ჩქარა დაბრუნდა ხელში მავთულის გალიით, რომელ-  
შიაც რამდენიმე პატარ თეთრი თავგი ხტუნაობდა.



შეხედეთ, შეხედეთ! ისინი «კუთხეებს» თამაშობენ.

მოხუცმა გალია მაგიდაზე დადგა და პატარა ცხოველებ-  
მა თავის პატარა ოთახში ყურებ-აკვევტით სირბილი და ტრია-  
ლი დაიწყო. მათი წითელი თვალები ფხიზლად და ეშმაკუ-  
რად იცქირებოდნენ.

— შეხედეთ, შეხედეთ! — დაიძახა ფილიპემ: — ისინი კუთ-  
ხეებს თამაშობენ.

— ცულლუტები, — სთქვა ალტაცებით მამა ჟოზეფმა: — სას-  
 ჯელმა ამათზე არ იმოქმედა.

უეცრად ყველაზე უმტროსმა თავმა განგებ გაკეთებუ-  
 ლი პატარა ცოცი დაიჭირა და გალიის იატაკის გვა დაიწყო  
 ისეთი შრიალით და ფაციფუციით; რომ სულ მიჰფანტ-მოჰ-  
 ფანტა მარცხნივ თუ მარჯვნივ თავისი მეგობრები. — გაათავა  
 თუ არა დაგვა, ცოცი მხიარულად მხარზე გადაიღო, უკანა  
 ფეხებზე შედგა და გალიის კუთხეში ფრთხილად მიაყუდა.

— განა სასაცილო არ არის დღეს თეთრი? — ჩაილაპარ-  
 კა გალიაზე დახრილმა ფილიპემ. — შეხედეთ — ყავაში მოსვრი-  
 ლი თოვლია რა საცოდავი სანახავია! ახლა, მამაო ჟოზეფ,  
 მაჩვენე, როგორ თამაშობენ. დიდხანია აღარ მიყურებია  
 მათთვის.

მამა ჟოზეფმა თავი ვერ შეიკავა: უნდოდა ერთხელ კი-  
 დევ თავის „შვილების“ ნიჭი ეჩვენებია. ის უფრო ხალვათად  
 ჩაჯდა საფარძელში, ერთი ლოყა ფილიპეს აწითლებულ ლო-  
 ყას მიაყრდნო, მეორე — გალიას და თავისი წმინდა და გარკ-  
 ვეული ხმით დაიწყო სხვა-და-სხვა ბრძანების გაცემა, რასაც  
 თავგები სწრაფად ასრულებდნენ: უკანა ფეხებზე შემდგარნი,  
 რიგ-რიგად დარაზმულნი დადიოდნენ; ერთდებოდნენ და იყრ-  
 ბოდნენ და ბრძანებისა დაგვარად მარცხნივ თუ მარჯვნივ  
 ტრიალებდნენ. ყველა ამას ისე გულდასმით ასრულებდნენ,  
 რომ ფილიპეს ალტაცებას საზღვარი არ ჰქონდა.

ამგვარ შექცევაში მამა ჟოზეფს და ფილიპეს დრო სრუ-  
 ლებით დაავიწყდათ. თამაშის განმეორების შემდეგ ფანჯრე-  
 ბისა და კარებისაკენ შიშით მაყურებელმა მამა ჟოზეფმა რა-  
 ლაც ძველი ვალსის სტვენას მოჰყვა. თავგებმა იმ წამსვე მუ-  
 სიკის დაგვარად დაიწყეს ტრიალი და ბუქნა. სანამ მამა ჟო-  
 ზეფი სტვენდა და თავგები ცეკვავდნენ, ფილიპეს წიგნები  
 განზედ ეწყო და მამა ჟოზეფსაც არქივპისკოპოსის მიპატიე-  
 ბა დაავიწყდა.

მამა ჟოზეფი უეცრად შეჩერდა და თვალები ზიზიტი საათის მიაპყრო. თითქმის მთელი საათი „შვილებთან“ თამაშში გაატარეს. გალიას სწრაფად მოწითალო ხელსახოცი გადაათარა და ფილიპეს უთხრა:

— წავიდეთ, წავიდეთ. ჩემო ძვირფასო! ჩვენ ბევრი დრო დავკარგეთ:— არ არის კარგი. ისე კარგად თამაშობდნენ ის ეშმაკები, რომ ყველაფერი დამავიწყდა. სინიდიის ქვეშ რომ ვსთქვათ, არქიეპისკოპოსმა თუ ამ სისულელისათვის საყვედური მითხრა, ის ამით მხოლოდ თავის ვალდებულებას შეასრულებს.

ფილიპემ წიგნები უგულოდ აიღო. თუმცა მასწავლებლის სიტყვებს ფილიპე ყურს უგდებდა, გონების თვალ წინ კი განუწყვეტლად მამა ჟოზეფის მზიარულად მბტუნავ-მოცეკვავე პატარ-პატარა „შვილებს“ ხედავდა.

საათმა რვა დააკრა. წასვლის დრო იყო. წიგნები სწრაფად შეაგროვა და სახლში წავიდა. სრულებით დამავიწყდა მიეცა მამა ჟოზეფისათვის ძლიერ საკირო შეკითხვა.

## X

### მხატვრის პატარა თანაშემწენი

ბატონი ეინსვორტი მთავრის ქუჩაზე მალალი სახლის მეორე სართულში სამხატვრო დაზგასთან იჯდა. ის თუმც იქ დროებით ცხოვრობდა, ოთახი კარგად მორთული ჰქონდა. ძვირფას ქსოვილებით მხატვრულად მოკაზმულ კედლებზე მრავალი საუცხოო სურათი ეკიდა. მთელ ოთახში: მაგიდებზე, ფანჯრებზე და იატაკზე აფერადებული ვაზები და ქოთნები იდგა პალმით, გვიმბრით და სხვა-და-სხვა ტურფა მცენარეებით, რომელნიც ოთახს რალაც მხატვრულ ფანჩატურის მზგავსად ჰქმნიდნენ. სამხატვრო მაგიდაზე დაუთავებელი ნახატები იდგა.

თაროებს ძველი ჩინური ფაიფური და ბრინჯაო ამშვე-  
 ნებდა და მრავალი წიგნი და ეურნალი ელაგა ყველგან. და-  
 ბალ, თათრულ ხალიჩა—გადაფარებულ ტახტზე ახალგაზდა  
 ქალი იწვა. მის ნახ, გამხდარ, შავგვრემან სახეზე ლოყები  
 ცხელებიან ავადმყოფსავეთ ასწითლებოდა. ერთი ხელი თავ ქვეშ  
 დაედო, მეორეში წიგნი ეჭირა, მაგრამ შიგ არც კი იყურე-  
 ბოდა. ტახზე თეთრი, შავ-არშინი, სრული შალის კაბა ეც-  
 ვა და ფეხებს შავი შალი უფარავდა. თუმც სწეული, ჩაგრული  
 შესახედობა ჰქონდა, მაინც მშვენიერ არსებას ჰგავდა. დრო-  
 გამოშვებით ახველებდა და ლოგინში ტრიალებდა. ტახტი  
 ღია ფანჯარასთან იდგა, რომლიდანაც ნაზი ჰაერი შემოდებოდა  
 და იქვე დადგმულ ბზის ტოტებს არხევდა.

ბატონი ეინსვორტი ტილოზე სურათს ათავებდა. ხვე-  
 ლა რომ გაიგონა, მიიხედა და მზრუნველობით იკითხა:

— ძლიერ ხომ არა ჰქრის, ლაურა, ფანჯარაში?

— არა,—უბასუხა ცოლმა სუსტი და დატანჯული ხმით:—  
 ვერ ავიტან უჰაერობას,—ისედაც ძლიერ ვსუნთქავ.

— განა დღეს უარესად ხარ, ჩემო ძვირფასო?—წყნარად  
 ჰკითხა ეინსვორტმა და ფრთხილად და მოხერხებულად ტი-  
 ლოზე უკანასკნელი ხაზები გაუსვა.

— არ ვიცი სწორედ: ყოველთვის ერთნაირად ცუდად  
 ვგრძნობ თავს. მგონია სისუსტე თან-და-თან მატულობს.

— ჩემო ძვირფასო, გულს ნუ გაიტეხ. სცადე სძლიო  
 მწუხარებას. სინჯე. მე ხომ ვსცდილობ და ვიფიქრო მწუხარე-  
 ბა,—ვსცდილობ მუშაობას.

— არ შემძლია, ედუარდ, დავიწყება; არ მინდა დავი-  
 ვიწყო. დღეს ნახევარი წელიწადია, რაც ჩვენი ბიჭიკო დაე-  
 კარგეთ, ჩვენი ერთად ერთი შვილი. ისეთი რა ჩავვიდენია:  
 აგრე რისთვის დავისაჯეთ!?

ქალს ტირილი წასკდა.

—საყვარელო ლაურა, რატომ ლაპარაკობ აგრე: შეიძლება ჩვენ დასასჯელად კი არ მოგვევლინა ეს უბედურება, შეიძლება ეს ბედნიერებაა ჩვენი ბავშვისათვის! სცადე აგრე იფიქრო და მწუხარება შეგიმსუბუქდება! დამშვიდდი, ჩემი ხათრისათვის მაინც; გაიხედე—რა შარავანდელით მოსილი გაზაფხულის დილაა; ყური დაუგდე, როგორ ჭიკჭიკობენ ეზოში ჩიტები, როგორი სუნი აქვს თურინჯს, იასამანს, ვარდებს; შეხედე ამ მზის სხივებში მცურავე სახურავებს, ან იმ მეზობლის ბაღში ნათელი მზის სხივებით მოვარაყებულ მაგნოლიას.

— მის შავ სამარეში არ არის მოქიკიკე ჩიტები, არც სურნელოვანი ყვავილები და არც მზის სხივები!—ხელახლა ცრემლების დაპა-ლუპით ამოიკენესა ქალმა.

— ნუ ფიქრობ საფლავზე: იფიქრე სიცოცხლეზე, და არა სიკვდილზე; იფიქრე სხვა ბავშვებზე, რომელნიც ცოცხლობენ, რომ მხოლოდ წვალება ჰპოვონ; იფიქრე იმ პატარა გოგოს მძიმე ცხოვრებაზე, ვისგანაც მე გუშინ ქანდაკება ვიყიდე.—და ეინსვორტმა წითელ ხავერდ-გადაკრულ კედელთან თაროზე დადგმულ ქვაზიმოდოს შეხედა. პატარა გოგომ ძლიერ დამაინტერესა და ბავშვმა მგონია კიდევ უფრო. ამისათვის გიყად ნუ ჩამთვლი: ის საშინლად ჰგავს ჩვენს ბავშვს. თითქმის იმავე წლოვანებისაა და, რაც ყველაზე უფრო საკვირველია,—სახელიც ფილიპე ჰქვია.

— იგივე სახელი! რა უცნაურია,—ცხადი ცნობისმოყვარეობით სთქვა ქალბატონმა ეინსვორტმა და ტახტიდან წამოდგა. მე მაინც ვერ წარმომიდგენია, რომ ქუჩის ბიჭი ჩვენს ბიჭიკოს ჰგავს!

— ჩემო ძვირფასო, ის სრულებითაც არ ჰგავს ქუჩის ბიჭს: ისე კარგად აღზრდილს ჰგავს... შენ თვითონ ნახავ. მგონია დღეს მოვლენ. საბრალო პაწაწას ძლიერ უნდოდა ესმერალდას გაყიდვა და ბავშვი ხომ სულ აენთო, როდესაც

მე ჩემ ნახატებზე ჩამოვუგდე ლაპარაკი. ნახავ—რა ნათელი ცისფერი თვალები აქვს.

— იმას ცისფერი თვალები აქვს?

— ისეთივე ღრმა, ქუფრი ცისფერი, როგორც ჩვენს ბავშვს ჰქონდა, და იმგვარივე შავი კულულები... მართალია ძლიერ ღარიბულად, მაგრამ სუფთადაა ჩაცმული და შესახედავად ძლიერ ტურფაა! სჩანს მახლობელნი სიყვარულსა და ზრუნვას არ აკლებენ.

ბატონმა ეინსვორტმა სიტყვის დათავება ვერ მოასწრო, რომ კარზე ფრთხილი კაკუნი მოისმა; მან სთხოვა შემოსულიყვნენ. დიდსა და მძიმე კარებში ორი დარცხენილი, მაგრამ გაბედულობით აღსავეხ ბატარა არსება გამოჩნდა.

— ხედავთ—დეა მოვიყვანე!—თავმომწონედ განაცხადა ფილიპემ.

ამ წუთში ის საუცხოო რამ იყო: აინთო, სახეზე ნათელი შუქი დაჰკრთოდა, შავი კულულები თეთრ შუბლზე მძიმედ ეფინა. ტუანეტას ის საუკეთესო ტანისამოსში გამოეწყო, რომელიც თეთრი ტილოს ქურთუკისა ზღ ლურჯ შარვლისაგან შესდგებოდა. ერთ ხელში ჩალის ქუდი ეჭირა, მეორეში—დეას ხელი; თითქოს ეშინოდა, რომ გოგონა არსად გაქცეულიყო.

გოგონას ნახ, შვეგვრემან სახეზე მღელვარება ემჩნეოდა; თვალები გაკვირვებისა და მოლოდინს გამოსთქვამდნენ და ტუჩებიც წყნარად და მორცხვად იღიმებოდნენ. იმ დღეს უფრო ჯანსაღი და კმაყოფილი სახე ჰქონდა და წინანდელზე ლამაზი ჩანდა. ერთი ხელით ფილიპეს ჩაფრენოდა, მეორეში კალათი ეჭირა, რომელშიაც ესმერალდა იღვა.

ეინსვორტის სახე სიამოვნებით ბრწყინავედა, როდესაც ბავშვები ცოლს წარუდგინა.

— აი, ლაურა,—ღიმილით სთქვა მან,—აი, ჩემი პატარა მგობრები. რას იტყვი?





ქალბატონ ეინსვორტს დეა არცკი შეუმჩნევია; ხარებისაგან დაბნეული და გაშტერებული თვალები ფილიპეს მიაპყრო. ერთი სიტყვაც არ უთქვამს. ცოტა სიჩუმის შემდეგ პირი მიიბრუნა და მწარედ აქვითინდა.

— ისიც ჩემსავით გაოცებულია მზგავსებით, — გაიფიქრა ბატონმა ეინსვორტმა და ბავშვები ოთახის მეორე კუთხეში წაიყვანა, რომ სხვის მწუხარებას ისინიც არ დაეღონებინა. აქ ბავშვებს თავისი შესანიშნავი ნივთები, ნახატები, ყვავილები აჩვენა და ტკბილეულობითა და ხილით გაუმასპინძლდა; დეას კალთაში ხუთ-დოლარიანი ჩაუდო, ესმერალდა ქვაზიმოდოს გვერდით დასდგა და მხოლოდ როდესაც ბავშვებმა თავივის-უფლება იგრძნეს, სამხატვრო დაზგას ახალი ტილო გადაათვარა და ბავშვები სურათის გადასაღებად მოხერხებულ ალაგას დასვა. პირველად ფილიპე ერთ ალაგას ვერ დგებოდა: უნდოდა ენახა — მხატვარი როგორ ხატავს; დეა კი იდგა, როგორც პატარა ქანდაკება; ის შეჩვეული იყო: არა ერთხელ მჯდარა მთელი საათობით მამის წინ, როგორც ნიმუში.

სანამ ბატონი ეინსვორტი ხატავდა და მთლად ვართული იყო მუშაობაში, ქალბატონმა ეინსვორტმა სავარძელი ბავშვებთან ახლოს მიიტანა; იჯდა წყნარად და ფილიპეს თვალს არ აშორებდა. ბატონი ეინსვორტი ცდილობდა პირველი მოსვლა, რამდენათაც შესაძლებელია, ბავშვებისათვის სასიამოვნო ყოფილიყო, რომ მათ გულში კიდევ და კიდევ მოსვლის სურვილი ჩამოეწვია. მუშაობის დროს ბავშვებს იმგვარ რამეებზე ებაასებოდა, რომ ბავშვებიც ჩქარა ალაპარაკდნენ. გამოჰკითხა ბავშვებს, თუ მოქანდაკე როგორ დასთანხმდა გოგონას მასთან გაშვებაზე. რამოდენიმე მოხერხებულად დასმული კითხვის შემდეგ დეა დაბნეულად გამოტყდა, რომ მას სურს უყიდოს მამას ჰაშეტის გამოცემა ჰიუგოს ნაწერებისა და რომ საბრალო მამაც ამიტომ დასთანხმდა და გაუშვა იგი მხატვართან; მამას დიდი ხანია ეს წიგნი ძალიან ენატრებო.

სანამ დეა თავის მძიმე ბედზე ლაპარაკობდა, ბატონმა ეინსვორტმა ფრთხილად ცოლისაკენ გაიხედა; ის დეას ლაპარაკს ყურს უგდებდა, მაგრამ ფილიპეს თვალს მინც არ აშორებდა. ქალის სახემ უფრო დაწყნარებული შეხედულობა მიიღო და ისე შეწუხებულად აღარ გამოიყურებოდა.

ხანგრძლივი მუშაობის შემდეგ მხატვარმა გამოუცხადა ბავშვებს, რომ ისინი თავისუფალნი არიან, როგორც გალიიდან გამოშვებული ჩიტები.

— ჩვენი წისვლის დროა, — ფეხ-ათრევით სთქვა ფილიპემ დი ცნობისმოყვარეობით სავსე თვალეზი ტილოს მიაკურა, რომელზედაც მისი და მისი პატარა მეგობრების შემოხაზულობა იყო აღნიშნული. — ძლიერ მინდოდა დარჩენა და ცქერა, მაგრამ დღეს არ შემიძლია. სელინა დაპირდა — ყვავილებს თვალს მივსცემო; ახლა კი უნდა გავიქცე და გავყიდო.

— ჰომოს დაზგას ქვეშ სძინავს, — სთქვა დეამ. — უბრძანე დამიცადოს. ახლა აღბად ფიქრობს, რომ შე არასოდეს არ დაებრუნდება.

— ხვალ ხომ უქვევლად მოხვალთ? — ჯერ ერთს და შემდეგ მეორეს შეხედა და სთქვა ბატონმა ეინსვორტმა. — თქვენ ისე კარგად იჯექით, როცა გხატავდით, რომ აი — ეს თქვენი გასამრჯელო უნდა მოგცეთ. — სთქვა და ბევრშეებს თითო-თითო ვერცხლის დოლარი გაუწოდა.

— ფილიპემ სიხარულით გაიღიმა.

— გმადლობთ, ბატონო! — წარმოსთქვა მან. — მთელი დღე ყვავილები რომ გამესალებია, ამდენს ვერ ვიშოვიდი.

დეას სიხარულისაგან სახე უბრწყინავდა. დოლარს ყოველის მხრივ აბრუნებდა და ათვალიერებდა, თითქო თვალეზს არ უჯერისო.

— დოლარი — ხუთი ფრანკი! — აღტაცებით იმეორებდა ის. — შეიძლება, ბატონო, დოლარით იმ წიგნის ყიდვა?



— არა, ჩემო ძვირფასო, — არა ზგონია. მაგრამ ხვალ მოდი, და ვიფიქროთ, როგორ შეიძლება ეშველოს ამ საქმეს.

— სხვა ჯგუფების მოტანაც შეიძლება, ბატონო, თქვენთან? ნახავთ? — გაუბედავად იკითხა დემ. — იმათში არის ერთი — „მოლვაწენი“... ძლიერ კარგია.

— მოლვაწენი?

— დიახ, ბატონო, — „მოლვაწე მეზღვაურები“. შეიძლება მოგიტანოთ?

— რასაკვირველია შეიძლება, ჩემო ძვირფასო! დიდი სიამოვნებით ვნახავ. თუ მე არ ვიციდი, ერთ-ერთი ჩემი მეგობარი იყიდის.

— ის, ბატონო, ძლიერ ძვირად ღირს; მამა ამბობს — ასი ფრანკი ღირსო. დიდია — აი ამოდენა! დემ ხელები ფართედ გაშალა, რომ მხატვრის თვალ წინ ჯგუფის სიდიდე გამოესახა.

— შენთვის ის დიდია, და მოტანა გაგიკირდება.

— ფილიპე მიშველის, — იმედიანად უპასუხა დემ.

— დიახ, მე უშველი. ჯგუფი იმისთვის ძლიერ დიდია, ჩემთვის კი — არა. ახლა კი წავიდეთ — დროა! და ფილიპემ ალერსიანად ქალბატონ ეინსვორტს ხელი გაუწოდა. — ნახვამდის!

ქალბატონმა ეინსვორტმა ბავშვს ხელი ჩამოართვა და თავისკენ მოსწია. ერთ წუთს თვალეზში უცქირა, შემდეგ გადაეხვია და გრძნობით აკოცა. დეაც მივიდა გამოსათხოვად; იმასაც აკოცა, მაგრამ არა ისე ნაზი სავსე გრძნობით. როგორც ფილიპეს.

— ძლიერ საყვარელი ბავშვებია, — ღიმილით უთხრა ქმარს ქალბატონმა ეინსვორტმა. ეს მისი პირველი ღიმილი იყო დიდი ხნის განმავლობაში.

## XI

## მამა ჟოზეფის მსხვერპლი

როდესაც ბავშვებმა ასე იოლად ნაშოენი ფული სელინას აჩვენეს, კეთილ დედაკაცს სულითა და გულით გაეხარდა და ღიმილით, თეთრი, ბრკყვიალა კბილების გამოჩენით სთქვა:

— კარგი იქნება, მხატვარმა რომ ჩემი ლილიბელიც დახატოს; მაგრამ ლილიბელი ძლიერ უშნოა! ვერ გამიგია, რატომ გამოვიდა ასეთი უშნო!

— ოჰ, სელინა, შენ ვერც კი წარმოიდგენ—რა კარგი სამყოფია იქ! უთვალავი ნახატები აქვს, და ყველა მისი დახატულია!.. გვთხოვა—კიდევ მოდიოთ: ცოლმა ორივეს გვაკოცა;—ხომ, დეა?—და ხელისათვის დაგვიბარა.

— ხელ „მოღვაწეებს“ წავუღებ, — ბედნიერი ღიმილით სთქვა დეამ. — მხატვარმა შითხრა—ას ფრანკად გაგიყიდო. საბრალო მამას ისე გაეხარდება!..

— ასი ფრანკი! შენ ბედმა გაგიღიმა, ჩემო საყვარელო. ის აღბად ძლიერ მდიდარია! სანამ შენ დოლარს იშოვიდი, ბატონო ფილიპე, მე აქ ყველა შენი ყვავილები გავყიდე. ახლა შენ სახლში უნდა გაიქცე და უამბო დედას, რაც დღეს შეგემთხვათ. აი, შენი ფულები!

სელინამ გაწვდილ ხელში მთელი მუკა ვერცხლის ფულები ჩაუჭარა.

მიიბრინა თუ არა სახლში ფილიპემ, სახლის პატარა ბანზე უსაქმოდ მჯდომი ტუანეტა დაინახა. ტუანეტა არასდროს არ უნახავს მას უსაქმოდ და გაოცებულმა გაიფიქრა—ივად ხომ არ არისო.

— რა ამბავია, დედილო?— შეშინებულმა ჯერ კიდევ კარგა შორიდან შესძახა მან.

— არაფერი, ჩემო ძვირფასო, — უპასუხა სელინამ ბავშვს, რომელიც ამ დროს შუბლზე ოფლს იწმენდა. — დღეს სამუშაო არ მაქვს: დავიღალე და ცოტა დავისვენე. შე წინანდებურად მუშაობა აღარ შემიძლია.

— საჭიროც არაა ახლა შენთვის ამდენი მუშაობა, ჩემო დედილო! შე თვითონ კარგად შემიძლია ფულის შოვნა. გამოიხედე აქეთ! — ამ სიტყვებით მან მზხინავი დოლარი გაუწოდა. — ერთი-ორი საათის დგომის ფასია!

— მხატვარი ძლიერ უხვი ყოფილა, — შენიშნა ტუანეტამ. — დედასაც ამდენი მისცა?

— დიახ, დედილო; დეამაც ამდენი მიიღო. ნეტავი გენახა, როგორ დაგვხატა! დეას წითელი კაბა და ჩემი ლურჯი შარვალი ცოცხლად გამოვიდა! როცა ხატვას ვაათავებს, წავიყვან და გიჩვენებ.

— ამ სიშორეზე, ჩემო სიცოცხლე, რა წამიყვანს. შე იმდენი ძალა აღარ მაქვს, წინად რომ მქონდა. აიღე შენი ფულები და შეინახე: ის შენია.

— არა, დედილო, შენ აიღე: ფული შენია! ყველაფერი, რასაც შე ვშოულობ, ყველაფერი შენია! — გრძობით სთქვა ფილიპემ.

— კარგი, სკივრში შევინახავ და, როდესაც დაგვირდება, ამოიღებ. ახლა, შეილო, ყვავილების გადარგვაა საჭირო, და მიშველე. უშენოდ ვერ გავებდე.

— ახლავე, დედილო: ცოტა მოითმინე, — ეს საგარეო ტანისამოსი გავიხადო.

ფილიპე თავის ოთახში გაიქცა.



— რა კეთილი გულისაა! — გაიფიქრა ტუნეტამ. — კეთილი, საყვარელი ბავშვი! ვის ეყვარება ისე, როგორც მე მიყვარს?

იგი ნელ-ნელა კიბეზე ბალში ჩავიდა და თვალებიდან არა ერთი მწარე ცრემლი მოიწმინდა.

ნახევარი საათის შემდეგ თავის საშინაო ტანისამოსში გამოწყობილი ფილიპე, მისი გვერდით სავარძელში მჯდომ ტუნეტას ხელმძღვანელობით გულმოდგინედ ყვავილებს რგავდა.

მიწის თხრაში გართული თავდახრილი ბავშვი წყნარად უსტვენდა. საიდანღაც მშვენიერი ჩიტები დაეშვა მიწაზე და ბავშვის ნიჩბის წინ შეუპოვრად მიწის ქექვა დაიწყა.

— დაიკარგე აქედან, მხედარო! — წასჩურჩულა ბავშვმა. — შენთან სათამაშოდ როდი მცალია. სჯობია, რომ კიები მოსძებნო!

ჩიტმა მზიარულად შესკიკშიკა, კიას ნისკარტი სტაცა და იქვე ახლოს ბუჩქზე შემოჯდა.

— აჰა ჩვენი მგალობელიცა! — ერთი წუთის შემდეგ დაიძახა ფილიპემ. — მე ვიციოდი, რომ ისიც მოვიდოდა.

ამ დროს ჰაერში დიდმა ფრინველმა გაინავარდა. ის ტკბილი, მოუსვენარი გალობით ბავშვს ისე ახლოს თავს ევლებოდა, რომ მისი ფრთები ბავშვის თმას ხვდებოდა.

— საკვირველია, — სთქვა ფიქრებში გართულმა ტუნეტამ, — როგორ გებევეიან ჩიტები; შენი სრულებით არ ეშინიათ.

— ჩემის აზრით იმიტომია, რომ ისინი მე მიყვარს. ეს იმათ კარგად იციან. ჩვენ დიდი ხანია დაუმეგობრდით ერთმანეთს. ეს ჩვენი სახლია; ჩვენ ყველა ერთ ოჯახს შევადგენთ; შენ კი, ჩემო დედილო, ჩვენი საერთო საყვარელი დედა ხარ.

— ის, თავდახრილი, მუშაობაში იყო გართული და ტუანეტას თვალეზზე მომდგარი ცრემლები არ უნახავს.

წყნარი, მშვენიერი საღამო იყო. ჰაერში ნაზი სურნელება და სასიამოვნო ხმები ისმოდა. მთლად ისამანიტ და ვარდებით დაბურული, ნახევრად დანგრეული თეთრი სვეტები სადმე ყრუ სოფლის საჩრდილობელ ფანჩატურს მოგაგონებდნენ. დეტრავას ეზოს ნანგრევები ყვავილებითა და ბალახ-ბულახით იყო დაბურული და საშიში და უშნო აღარ იყო. აქ დაძველება—დანგრევას აღავი არ ჰქონდა. აქ ყველაფერი ნორჩ სიყმაწვილეზე ლაპარაკობდა—საუკუნო, ნორჩ სიყმაწვილეზე. შეიძლება ბავშვმა, ყვავილებმა, მოქიქიკე ჩიტებმა აგრძნობინეს ტუანეტას თავისი უძლეური მოხუცებულება და ამიტომ მუშაობისაგან დაკორძებული ხელები მუხლებზე დაეწყო, უმწეოდ იჯდა და სიყვარულით აღსავსე, დაღონებული თვალეზი ბავშვისთვის მიეპყრა, რომელიც ქირისა და ზრუნვის არცოდნით ბედნიერი იქვე მუშაობდა.

— უეცრად ზარის აჩქარებული წყარუნი მოისმა, რამაც ფილიპე მუშაობას მოაშორა და ტუანეტა ფიქრებიდან გამოარკვია.

— გაიქეცი, ჩემო სიცოცხლე, ვიღაცა იჩქარის.

— ტუანეტა აღვა და სტუმრისაკენ გაეშურა.

ეს იყო მამა ეოზეფი. ის ჩქარა მოდიოდა. მის პატარა, შავ სახეზე მწუხარება და გაოცება იხატებოდა. ერთი ხელით მოწითალო ხელსახოცში შეხვეული რაღაც ნივთი ეჭირა. ის კბით პირდაპირ მალლა ავიდა და ნივთი მაგიდაზე დასდო.

— ტუანეტა, ჩემო კეთილო მეგობარო! ფილიპე, ჩემო საყვარელო ბავშვო, ეს თქვენ მოგიტანეთ! აი ჩემი „შვილე-



ბი“, — ჩემი საყვარელი ბავშვები! — მტკიცე და თან მწუხარე ხმით ამბობდა ის.

ტუნეტა და ფილიპე განცვიფრებით უყურებდნენ.

— რა მოხდა, მამაო ეოზეფე? — ამას რისთვის სჩადიხართ? — ჰკითხა ტუნეტამ.



არა, არა, ჩემო შატარა ბიჭავო: იმან არაფერა იცის.

— მისმა ყოვლადუსამღვდელოესობამ გიბრძანა? — ჰკითხა შეწუხებულმა ფილიპემ.



— არა, არა, ჩემო ძვირფასო ბიჭიკო: იმან არაფერა არ იცის. საქმე ბევრად უფრო სერიოზულია. მე სულელი ვიყავი, როცა ვფიქრობდი, რომ არქივისკოპოსი ამისთანა წვრილმანი რამისთვის თავს შეიწუხებდა. მას კაცი გამოევჩვენა ჩემთვის: მძიმე საქმეს მავალეზდა. მე დღესვე მივდივარ.

— ოჰ, მამა ეოზეფ, დღესვე? შორს, დიდი ხნით?—დაეკითხნენ ტუანეტა და ფილიპე.

— არაფრის თქმა არ შემიძლია: გემსავეთ ვარ, რომელსაც დაბეკვლილი ბრძანება მიაქვს. მისი ყოვლადუსამღვდელოესობის რამოდენიმე სიტყვიდან სჩანს, რომ დიდხანს არ მოუნდები ამ საქმეს. მე ახლა ავადმყოფი ძმის ალაგას მივდივარ, და როდესაც მორჩება, ალბად დავბრუნდები.

— ნუ თუ, მამაო ეოზეფ, თქვენ არ შეგიძლიათ „შვილები“ თან წაიყვანოთ?—ეკითხებოდა ფილიპე. უმათოდ ხომ მოგწყინდებათ.

— შეილო, მე შემიძლია მათი წაყვანა და ძლიერ შეეწუხებები უმათოდ; მაგრამ ეკკლესიის მსახურს არ შეშვენის ღვთის მსახურებისათვის მგზავრობის დროს თან გალიით თეთარი თავგები ატაროს.—მამა ეოზეფმა ნაღვლიანად გაიღიმა.

— თავგები მზიარული თანამგზავრები იქნებოდნენ და გაგართობდნენ,—თანაგრძნობით წარმოსთქვა ტუანეტამ.

— უბედურებაც ეგ არის. ეს საბრალო არსებანი ჩემ საყვარელ საგნად გადაიქცნენ. მე ისინი ძლიერ შემიყვარდნენ, და ახლა ვხედავ, რომ ჩემ ვალდებულებას გვერდი აუხვიე. მე, ჩემო კეთილო მეგობარო, მთელი საათობით ამით სხვა-და-სხვა სისულელეს ვასწავლიდი, მაშინ როდესაც ვალდებული ვიყავი ჩემი ძმებისათვის სასარგებლო რამე შესწავლებინა. სიცოცხლე ძლიერ ხან-მოკლეა, რომ უსარგებლოდ



თუ გინდ ერთი საათიც დაიხარჯოს. მაგრამ... მაგრამ ისინი ისეთი საყვარლები, ისეთი მომხიბლველნი იყვნენ და მგონია მართლა უყვარეარ.— ამ სიტყვებით მამა ეოზეფმა თვალები დაახამხამა, ჩახველა და თავისი უბრალო ტილოს ცხვირსახოცით ღონივრად ცხვირის სრესა დაიწყო.

— მე შეყვარება ისინი, ძლიერ ვიზრუნებ იმათთვის, და როდესაც დაებრუნდებით, ისევ წაიყვანთ,— ამბობდა ფილიპე მამა ეოზეფის გასამხნევებლად.

— ვიცი, რომ შენ მოეფერები იმათ; ძალიან მოსიყვრულე გული აქვთ, და მგონია არ დაპივიწყებენ. როცა დაებრუნდები, შეიძლება ისევ წაგიყვანო, მაგრამ მხოლოდ იმ შემთხვევაში, თუ ძლიერ არ შეყვარებიან. მე იმათ შენ გიტოვებ; გიტოვებ მანამდი, სანამ დაბრუნებას მოვითხოვდე. ნახვამდის, ჩემო ძვირფასო ბიჭიკო!— იმან ფილიპეს თავისი შავი, გამხდარი ხელი გაუწოდა.— იყავი გამგონე და ბეჯითი და... და... არ დაივიწყო ჩემი „შვილები“.

მას თავის ბაღჩისაკენ არც კი მიუხედნია, მიბრუნდა და ტუნეტას თანხლებით ჩქარა კიბე ჩაირბინა.

ფილიპე ისე გაართო ვალიამ, რომ ყურადღება არ მიუქცევია სერიოზულ ლაპარაკისათვის, რომელიც ალაყაფის კარებთან მამა ეოზეფსა და ტუნეტას შორის მოხდა. კარების გაღების დროს მამა ეოზეფმა სთქვა:

— ქალაღებს ჩემ ქალაღებთან ერთად მეგობარს ჩავაბარებ შესანახად. თუ ჩემ დაბრუნებამდის დაგვირდეთ, ის მოგცემთ,— და მან მეგობრის სახელი და ბინა დაასახელა.

— იმედი მაქვს, რომ თქვენ დაბრუნებამდის არ დაგვიკირდება; ყველაფერი ისე დაგხვდებათ, როგორც სტოვებთ,— უპასუხა ტუნეტამ.

— ასე ვიფიქროთ, ჩემო კეთილო ტუანეტა. ჩვენ ღვთის  
 ხელში ვართ. მაშ „ნახვამლის“, და არა „მშვიდობით“.

ფილიპემ მამა ეოზეფი ეზოს გადაღმა მიმავალი დაინახა  
 და მოაგონდა:

— ვერ ვკითხე მამა ეოზეფს, რის კითხვაც მინდოდა, და  
 აი ახლა იმის დაბრუნებას უნდა უცადოო?

დათავო ანთაძე

(შემდეგი იქნება)





## პეგლი მთავრობა და

## რევოლუცია

(დასასრული\*)



ველი მთავრობის ყურ-მოჭრილი მონა მინისტრი გორემიკინი დროს არ ჰკარგავდა და ემზადებოდა მუყაითად. სურდა ხალხის გამარჯვებისკენ სიარულისთვის ხელი შეეშალა და მეფის რკინის ფეხის ქვეშ გაესრისა ქვეშევრდომთა ამაყი წადილი. აქი მიღწეა კიდევ. 8 ივლისს სათათბირო დაშალეს, ახალი არჩევნები გამოაცხადეს იმ იმედით, რომ მთავრობის მორჩილთა რიცხვს გაამრავლებდნენ. სათათბიროს დაკეტვას მოჰყვა აჯანყება მუშებისა პეტერბურგში, კონსტანტინოპოლში, ვიბორგში, რეველში და სხვ. მთავრად ნაყოფი ვერ გამოიღო. შავი რაზმი უფრო გაიზარდა, გენერალ-გუბერნატორები, პოლიციელები, ჟანდარმები და სხვ. უფრო გაძლიერდნენ, და ჯაშუშ-პროვოკატორები დაეპატრონენ ცხოვრებას. მოწვეულ იქმნა ახალი სამინისტრო სტოლიპინის მოთაურობით, სამინისტრო, რომელიც შავ ლაქად ატყვია რუსეთის ისტორიის ფურცლებს.

სტოლიპინი ხალხს ჰპირდებოდა ცხოვრების განახლებას, და ამ საქმეს გენერალ-გუბერნატორებს და პოლიციელებს აკისრებდა. ცხოვრების „გასაახლებად“ გამოცემული კანონი

\*, იხილე „ნაკადული“, № 4.



იყო დამსჯელ ტერორის შესახებ, ე. ი. სიკვდილით დასჯისა, და ეს სამხედრო—საველე კანონი გამოაცხადა მართვა-გამგეობის მიზან—შეწონილ საშუალებად. ჯარი, პოლიცია, მდიდრები, — აი რას ეყრდნობოდა ძველი მთავრობა. მაგრამ ხიშტები ვერ გამოდგნენ კარგ დარაჯებად, და თოფებზე დადგმულ ტახტს არ ჰქონია სიმტკიცე.

შეიკრიბა სათათბირო, მაგრამ მთავრობა სულს უხუთავს ხალხის წარმომადგენლებს. ხალხი თან-და-თანობით ისევ იჩაგრებოდა, ყოველივე კარგი იღვევებოდა და სიბნელის დამცველებად გამოდიოდნენ მთავრობის კარის-კაცები. მეორე სათათბიროს წევრნიც გარეკეს. მოიწვიეს მესამე სათათბირო, ეს შავ-რაზმთა კლუბი, და ბოლოს მეოთხე სათათბირო, რომელმაც დიდი როლი ითამაშა დღევანდელ რევოლუციის საქმეში.

დღევანდელმა საკაცობრიო ომმა დიდი სამსახური გაუწია რუსეთის განმათავისუფლებელ მოძრაობას. მან გამოაშკარაჲა მთავრობის მთელი უძლურება და უნიადაგობა. სულ უბრალო მოთხოვნილებასაც კი ვერ აკმაყოფილებდა ძველი მართველობა. ეს მოთხოვნილება—პატიოსნება იყო. ყოველგვარი ავაზაკობა, ქურდობა და სხ. უმსგავსობა გაშეფებული იყო რუსეთში, არა ხალხში, არამედ უმაღლეს წრეებში. „მათი ბრწყინვალეებანი“ იყვნენ ეს ავაზაკ-ქურდები, მოღალატე-გამყიდვეები. მთავრობამ იცოდა ეს, მაგრამ შალავდა. ამ ომმა ფარდა ახადა რუსეთის სამეფო სახლის საიდუმლოებას და დაგვანახვა, თუ რა სულიერი სიმდაბლე შეფობდა იქ, გვაჩვენა გახრწნილობა მათი, ვინც რუსეთის მშრომელ ხალხის ბედის გადამწყვეტად იყო მოვლენილი. ჩვენ ომამდე ვიცოდით გარეგანი მხარე რუსეთის იმპერიისა, როგორც ეანდარმული და პოლიციური. მაგრამ არ ვიცოდით, თუ რა ჰხდებოდა შიგ, სიღრმეში. თურმე ზნე-დაცემულობა და უსინდისო სანახაობა ყოფილა იქ დასადგურებული, და თურმე

ღვინით და გარყენილობით დამთვრალნი სწყვეტდნენ სახელმწიფო საკითხს.

ველარ გაუძლო ქვეყანამ ქველმა განახლებისა გრიგალის ქროლვას. ველარ გაუძლო, და უწმინდური ტახტი გაიძვერა ქველი მთავრობისა დაემხო უწყალოდ. მოხდა რევოლიუცია, და დღეს ჩვენ ცბიერების ნანგრევებზე ვდგვართ ამაყად. ახალი ცხოვრების შექმნას შეუდექით ხალისიანად. დიდი ხნის განმავლობაში უფრთხილდებოდით ამ დიდ აზრს ცხოვრების გარდაქმნისას, დიდი ხანია ვზრდიდით ჩვენში უკმაყოფილობის ნერგს, და ვცდილობდით ერთად შემოგვეკრიბა ტვირთ-მძიმენი უსამართლობის დასასამარებლად. ამ აზრს შევსწირეთ მთელი ჩვენი ქაბუკური აღფრთოვანება და დამჯდარი გონიერება.

ამ დიდ მიზნებზე ოცნებობით გვწაღდა განხორციელება თანასწორობის, ძმობისა და ერთობისა, და მიტომაც ვერავითარი ძალა ვერ ლაგმავდა მისწრაფებას. პირიქით, ყოველივე ნებისყოფას გვიასკეცებდა და გვიხმობდა ბრძოლისა და სიკაცხლისაკენ. ვერ ვასკრა ვერავითარმა მუქარამ. ციხეში იმედინად მივდიოდით და ძმებს წარბის შეხრას უკრძალავდით, როცა მათ საბრძოლელასკენ გზას გაუყენებდნენ. ჩვენ ტანჯულ სახეს მუდამ იმედინი ღიმილი დასთამაშებდა, და საბრძოლელას საშიშროება უფრო გვაქებებდა აესულთა ისალაგმავად. და აი შედეგი: პეტერბურგში მეფის სასახლეს სამ-ფეროვან დროშის მაგიერ რევოლიუციის წითელი დროშა თავს დაჰტრიალებს, მეფის სასახლე ციხედ ქცეულა, და „მათი უდიდებულესობანი“ პატიმრის ცხოვრებას ეწევიან. ხოლო გუშინდელი პატიმარნი შებორკილნი რომ ნატრობდნენ მზის დანახვას, დღეს ცხოვრების სათავეში მოქცეულან; აღმართს ქველი ცხოვრებისას თავისუფალი და ადვილი დაღმართი მოჰყვა, და ჩვენც აკი თავისუფლად მივექანებით თავისუფლების წალკოტისაკენ.



დღეს ახალი მოწოდება თავისუფლებისა და თავისუფლებისათვისაა. ბისაკენ უდებენ საფუძველს ახალ სახელმწიფოებრივ შენებას რასაც კი ეყრდნობოდა ძველი, ბიუროკრატიული სჯულდება, ყველა ის დღეს ისპობა და უნდა მოისპოს სავსებით. ახალ გეგმაზეა საჭირო ცხოვრების აშენება. ყოველივეს საფუძვლად გონიერება უნდა დაედოს. ძველი პოლიციური მინისტრები სულ იმის ცდაში იყვნენ, რომ ჩაეკლათ თაოსნობა, თავისუფალი აზრი.

რევოლიუციონერმა მინისტრებმა უნდა, წინააღმდეგ დიდი თავისუფლება მიანიჭონ კერძო თაოსნობას, უნდა გაანთავისუფლონ პიროვნება, ანუ პიროვნების თავისუფლება უნდა დააკანონონ მტკიცედ. დღეს რევოლუციის ნაგრევებზე გადმოვლილთ, ცხოვრება ახალ საკითხებს გვიდგენს. ჩვენც რევოლიუციის პირით ღირსეულად უნდა უპასუხოთ. ძველით იმიტომ ვიყავით უკმაყოფილო, რომ იქ ჩვენი უფლებები ითრგუნებოდა. არც ადამიანს, არც ერს არ ჰქონდა ნება ეთქვა გულის საწადელი, გადაედგა ნაბიჯი, რომელიც მათ ცხოვრების გაუმჯობესებას ჰგულისხმობდა. დღეს კი მოქალაქის და ერთა უფლებები უნდა აღვიაროთ და დავადგინოთ. უნდა მოხდეს სრული განთავისუფლება პიროვნებისა და ეროვნებისა. ძველი ცხოვრება რომ ყრუ იყო ცხოვრების ძახილისთვის—ახალმა მეტი მახვილობა გამოიჩინოს. ძველი თუ ხშირად მუნჯი იყო, ახალმა კოცხალი პასუხი უნდა გასცეს ჩვენს არსებობას. და ძველი წყობილების მსხვერვეა ხომ იმიტომ მოხდა, რომ ადამიანი და მოქალაქე ვერ ჰპოულობდა მასში თავის უფლებების აღმსარებელს, მისი ადამიანობის დამცველს და დარაჯს. და ცხოვრების სიღრმეში სდულდა უკმაყოფილება. გროვდებოდა პროტესტი. დღეს კი მეტყველმა სიკოცხლემ იწყო დაკმაყოფილება დიდი ხნის წყურვილისა.

მპყრობელობის და ქვეშევრდომობის პრინციპზე აგებული სახელმწიფო დღეიდან თანასწორობის პრინციპზე უნდა იქმნას დადგენილი.



საზოგადოებრივი ძალები, დღემდე კარ-ჩაკეტილნი, დღეს კი სამოქმედოდ გამოსულნი, სკდილობენ სავსებით დააკანონონ ხალხის უფლება:

ეს სხვათა შორის შედეგია არა ჩვენი გულ-ჩვილობის და სიბრალულისა, არამედ ამას მოითხოვს ჩვენი გონიერება, ჩვენი აზრი, მეცნიერულად გარკვეული და გამტკიცებული.

ეს ახალი შეგნება სპობს ყოველგვარ კარ-ჩაკეტილობას, უსწორ მისწორობას, შეეხება ეს პიროვნებას, თუ ეროვნებას. განთავისუფლებული რუსეთი ყოველგვარ ბატონობაზე უარს ამბობს. მაშასადამე თავისუფლება უნდა განხორციელდეს სავსებით.

რუსეთის სახელმწიფო ერთ-გვარი არ არის. იგი კრებულია ერებისა, და რუსეთის მოქალაქეც წევრია ამა თუ იმ ერისა. მოქალაქის თავისუფლება სრული არ იქნება, თუ იგი არ განთავისუფლდა, როგორც შემადგენელი ნაწილი ამა თუ იმ ერისა. ეს კი ერთა განთავისუფლებასაც მოითხოვს. ერთა სწორუფლებიანობის გამოცხადება ხდება აუცილებელი.

თავისუფლება პიროვნებისა, თავისუფლება ეროვნებისა და სახელმწიფოსი, აი სამი რამ, რასაც უდიერად სთელავდა ძველი პოლიციური მთავრობა. ამ სამივეს განთავისუფლება იქნება პირველი ნაბიჯი, რუსეთის მიერ გადადგმული ახალ ცხოვრებისაკენ.

მაგრამ როგორ უნდა მოხდეს ეს? როგორი წყობილებაა საჭირო, რომ ეს პირველი ნაბიჯი გადავდგათ?

დღეს მეცნიერულად დასაბუთებული და მიღებულიც არის ეგრედ-წოდებული ფედერატიული წყობილება. ეს ყველაზე ხელ-საყრელი, სამართლიანი და რუსეთისთვის მართლა ზედ-გამოქრილი რამ არის. ამ ფედერაციაში ჩამოიქნება საერთო ნებისყოფა რუსეთის ერებისა, რომლის გამოშატველიც იქნება დემოკრატიულ-ფედერატიული რესპუბლიკა.





მხოლოდ აქ იქნება დაცული ერთა შორის ძმობა და სიყვარული.


დღევანდელ რევოლიუციაში ჩვენცა ვართ ჩაბმულნი, არა უსახოდ, არამედ როგორც ქართველობა.. მაშასადამე ჩვენ, როგორც ქართველობა, უნდა ვცდილობდეთ რევოლიუციის გამტკიცებას, გაღრმავებას, რადგან მასშია ჩვენი ხსნა. ეს ერთი მხრივ.

მეორე მხრივ კი არ უნდა დავივიწყოთ ჩვენი კერძო, ქართული საქმე. იმასაც უნდა მივხედოთ, განთავისუფლებულ რუსეთის სამსხვერპლობზე ჩვენც ბევრი მსხვერპლი მივიტანეთ, მაშ უფლებაც გვაქვს მოვითხოვოთ ჩვენი წმინდა უფლებანი.

ჩვენ გვსურს თავისუფალ რუსეთში თავისუფალი საქართველოც ყვავილობდეს, ლალობდეს, და თავისებური ხალისიანობით მიდიოდეს ეროვნული გზით საერთაშორისო სამართლიანობისაკენ.

რა გზა არის ეს გზა, ამიზე შემდეგ გამოგესაუბრები, ჩემო პატარა მკითხველო ამხანაგო.

ვახტანგ კოტეტიშვილი.





## საურთიერთო დახმარება



ხოველთა შორის საზოგადო ცხოვრება და საურთიერთო დახმარება დიდად განვითარებულია. საზოგადო ცხოვრებას არ მისდევენ მხოლოდ მტაცებელ ცხოველთა ზოგიერთი, სხვებზე უფრო ბოროტი ჯიშები. სხვა-და-სხვა ქვეყნებში ჯოგებად ცხოვრობენ: ირმები, შვლები, ველური ცხენები და კამეჩები. როცა ევროპელები ამერიკაში გადასახლდნენ, ამ ახალ ქვეყანაში თვალწინ წარმოუდგათ დიდებული სურათი ცხოველების საზოგადო ცხოვრებისა. პირველი კოლონისტები წააწყდნენ იქ კამეჩების ვეება ჯოგებს; ზოგ-

ჯერ ორი სამი დღის განმავლობაში ამ ჯოგების განუწყვეტელი რაზმები გზაზე ელობებოდნენ და ევროპელებს მგზავრობას უშლიდნენ. როდესაც რუსებმა ციმბირი დაიპყრეს, იქ აუარებელი ჯოგები აღმოაჩინეს ირმების, შვლების, თრითინების და სხვა ცხოველების, რომლებიც ერთად ცხოვრობენ, საურთიერთო დახმარებით უდგიათ სული.

აზიისა და აფრიკის ტყეებსა და მინდვრებში აუარებელი ჯოგებია სპილოების, მარტორქებისა და მაიმუნების. ეს ძუძუმწოვარა ცხოველებიც ერთად ცხოვრობენ თემებად, ჯიშებად არიან მხოლოდ დაყოფილნი. თვითეულ თემში რამდენიმე ასი და ათასი ცხოველი იყო პირველ ხანებში.

სამწუხაროდ ცხოველების ამ დიდათ საყურადღებო და სასიამოვნო წყობილებას დიდი ვნება მოუტანა ადამიანმა, მისმა თოფმა, ცეცხლმა და მახვილმა. კაცის სისასტიკემ გაანადგურა ცხოველების ვეება საზოგადოებანი და ახლა მათი ჯოგები მრავალ-რიცხოვანი არ არიან.

ცხოველთა შორის მხოლოდ კატის ჯიშის ძუძუმწოვარი-ნი ბინადრობენ განმარტობით: ლომები, ვეფხვები და ჯიქები. ისინი ცალ-ცალკე ოჯახებად და პატარ-პატარა ჯგუფებად ცხოვრობენ.

ყველამ კარგად იცის, რომ მგლების ხროვა—საურთიერთო დახმარებაზე დამყარებული საზოგადოებაა. მგლები ხომ ველური ძაღლები არიან, მახვილი გონებით განთქმული ცხოველები.

მგლებმა კარგად იციან, რომ მხოლოდ შეთანხმებული ძალებით, საურთიერთო დახმარებით შეიძლება ცხოვრების გაადვილება. მწერალმა მოგვითხრო საყურადღებო ამბავი მგლების გამჭრიახობისა და წინდაწინ მოფიქრებული საურთიერთო დახმარების შესახებ. ერთ მაღალ მთაზე მინდვრად ბალახს სძოვდა ძროხებისა და ხარების ჯოგი. ამ მთის ერთ მხარეზე ფრიალო კლდე, უფსკრული იყო. მგლების ხროვა ფარულად მიუახლოვდა ჯოგს სწორედ იმ მხრიდან, სადაც მას გაქცევა შეეძლო. მგლები ერთბაშად გამოცვივდნენ სხვა-და-სხვა მხრიდან და საშინელი ყეფა ასტებეს. შეშინებული ჯოგი უფსკრულისაკენ გაექანა და შიგ გადიჩეხა.

ტურები განთქმულნი არიან გაბედულობით და გონიერებით. ისინი ერთად ცხოვრობენ და ნადირობენ. საერთო



კავშირმა იმათ იმდენი ძალა შექმინა, რომ თავისი მოსისხლე მტრების, დიდი მხეცების, არ ეშინიათ. მელიები ცალ-ცალკე ცხოვრობენ, მაგრამ ისინიც ნადირობის დროს შეერთდებიან ზოლმე საურთიერთო დახმარებისათვის, რადგან ამ გონება-გამჭირახმა ცხოველებმაც კარგად იციან კავშირის მნიშვნელობა.

ეშმაკი და ქკვიანი მელიები ნაყოფიერი ნადირობის შემდეგ თავის ნადავლს სადმე მყუდრო, მიმაღულ ადგილას მიწაში ფლავენ, ან სადმე განმარტოებულ, მიუვალ კლდის წვერზე ინახავენ. ერთმა მონადირემ აგვიწერა საუცხოო სურათი მელიების საერთო სადილისა. ერთი მელია მაღალი კლდის წვერზე, აცოცდა, სადაც მათ საერთო ძალ-ღონით შეგროვებული სანოვაგე ჰქონდათ შენახული. დაბლა, კლდის ძირში. ამ მელიის ამხანაგები იყვნენ თავმოყრილნი. მაღლიდან მელია ძირს უყრიდა საკმელს თავის ამხანაგებს. ისინი ძმურად ერთმანეთში ინაწილებდნენ.

თრითინებს განმარტოებით ცხოვრება უყვართ. ისინი ცალ-ცალკე ოჯახებად ცხოვრობენ. მაგრამ იმათ შორისაც მეცნიერებმა შეამჩნიეს ერთი საინტერესო მოვლენა: თრითინების შეილები, როცა წამოიზდებიან, დედმამას არ შორდებიან, მათთან ერთად ცხოვრობენ და საერთო ძალ-ღონით სწევენ ცხოვრების უღელს. ცალ ცალკე ოჯახებად დაყოფილ თრითინებსაც მუდმივი მ-მოსვლა აქვთ ერთმანეთთან; როცა ტყეში სანოვაგე გამოვლევათ, საერთო შეთანხმებით სტოვებენ ამ ადგილს და, მრავლად თავმოყრილნი, სხვა, უფრო კარგი ადგილის საძებრად გაუღდებიან ზოლმე. არის ერთი ჯიში შავი თრითინებისა, რომლებიც ჩვეულებრივ ცალ-ცალკე ოჯახებად ცხოვრობენ, დროს გასატარებლად კი ერთად გროვდებიან. მრავლად თავმოყრილი თრითინები ცელქობენ, თამაშობენ, ერთ მხიარულ ალიაქოსს ასტეხავენ ზოლმე. ეს თრითინებიც გადასახლების დროს ერთად არიან თავმოყრილნი, რადგან კარგად იციან, რომ გზაში ბევრი საფრთხე მოე-

ლით. მათ კვალ-და-კვალ მისდევენ მოსისხლე მტრები—შე-  
 ლიები, დედოფალები, შვევარდნები. ესენი ერთად დარაზმულ  
 პაწია თრითინებს ვერაფერს აკლებენ, —ეშინიათ მათი ძლიე-  
 რი კავშირისა, და მხოლოდ ჩამორჩენილებს ჩააფლებენ ხოლ-  
 მე თავის ბასრ კლანჭებს. არის ერთი ჯიში თრითინებისა,  
 რომელიც საერთო ძალ-ღონით აგროვებს სანოვაგეს, მიწაში  
 გათხრილ მიხევეულ-მოხვეულ სორობებში ინახავს და საჭიროე-  
 ბის დროს ერთმანეთში ინაწილებს.

ყველა იცნობს პაწია ცხოველს—თრიას, რომელიც ცალკე  
 ცხოვრობს, ბინა სხვებისაგან ცალკე აქვს, მაგრამ თრიების  
 ბინები მრავლად და ერთმანეთზე ახლოს არიან. ათასობით თავ-  
 მოყრილ თრიების თამაში რაღაც ზღაპრული, თვალწარმტა-  
 ცი მოვლენაა. პაწია ცხოველები აღტაცებით ცელქობენ და  
 ხტუნავენ. ამ დროს მათ შორის ზოგიერთები მუსიკოსების  
 მაგიერობას უწევენ: მამალი თრიები მკახე ხმით სტვენენ,  
 დედლები-კი უფრო ნაზი ხმით ბანს აძლევენ.

მთელ დედამიწაზე ცხოველთა ცხოვრება, როგორც და-  
 ვინახეთ, დიდათ საყურადღებო კავშირზე, ქირსა და ლხინში  
 ერთობაზეა დამყარებული.

ილია ხაკაშაძე.





## სუთი კვანძი ერთ სიტყვაში

ზ ა მ ო ც ა ნ ა

პენსიონის ტ—ს აჯღს.

### შესავალი



ანით—მეტად საჭიროა  
 ყველა ცხოველ არსისათვის;  
 უთანოდ კი—უსიამო  
 მთელი ქვეყნის მეტყველთათვის.

ორი ასო რო მოაკლოთ  
 იმ ერთ სიტყვას ხუთ-ასოვანს,  
 ნახავთ მხოლოდ სამსა ასოს, —  
 ერთს უხმოს, და ორსა ხმოვანს;

წაიკითხავთ, მაგრამ აქაც  
 თქვენ სამ აზრსა შეეყრებით:  
 ერთი ისე მწვავე არის,  
 რომ ხელით ვერ შეღებებით;

მკორე კი—სახელია  
 მუსულმანის, თუ არ ვსცდებით,

მესამეა მეტად შალი  
თვით ეშმაკზეც, შიდარებით.

თითქმის ავხსენ არსებითად,  
ვამბობ მხოლოდ არეულად;  
ასეთია მისი არსი, რომ  
ლანდს უსწროვს ცქვიტად, ბრძნულად,  
ისე ჩქარობს გარეგნულად.

ვერც დიდი და ვერც პატარა  
ამის მზგავსი ვერვინ არის;  
ლამის დღეი გამიმწაროს, —  
ისეთი რამ ურცხვი არის.

არც დღე სძინავს, არც თუ ღამე,  
ლალის მზგავსი ფერი დაჰკრავს;  
იკოდე, თუ წაეკარე, —  
არ დაგინდობს, მთლად დაგნაკრავს.

### დასკვა

ველარ მიხვდი?.. მე რა გიყო?..  
ამდენსაც კი არ გეტყუდი...  
მეტად კარგი რომ არ იყო!..

ჰა! კვლავ გეტყვი ერთ-ორ სიტყვას,  
ეგებ უფრო შემოყვარო...  
გამოცანის კვანძს მიაგნო,  
და მით გული გამიხარო.

იბა კარვად დააკვირდი...  
მიაყოლე გულის ყური...

ხუთსა ჰყვარსა, ხუთი ასო,  
 თითოს თითო სათაური—


მთლიანს ახსნის გამოცანას,  
 თუ გულდასმით გადიკითხავ;  
 შემდეგ იქვე ჩაყოლებით  
 მეორე **ოთხს** წაიკითხავ...

და კიდევ თუ ჩაპყვები ძირს,  
 სამ-ასოვანს ნახავ სიტყვას,  
 მით მთლად ახსნი გამოცანას...  
 თანაც დაისწავლი კითხვას.

ასე რაჭველი

## რ ე ბ უ ს ი

(წარმოდგენალი დ. ელიაზაშვილის მიერ)



”

ქართველი  
 მეცნიერი.

მე

ქალის  
 სახელი.

სე

სე

ჩა



”




სე  
 სე



ქალის  
 სახელი

ნუნ



ლ



ქალის  
 სახელი.

ხარს რომ  
 დაუხევენ,  
 როგორ  
 კტუიან?



უნ



კავ-  
 ში-  
 რი.

ვავის  
 სახე-  
 ლი.



ქალის  
 სახელი.

უნ



უნ

რუსულ  
 ლიდ  
 მდინა-  
 რეს რა  
 ქევი?

მე-3 №-ში მოთავსებულ რეზუმეს ახსნა.

მიყვარხარ, ტკბილო კახეთო, დედო ბოლოქინის კბლაო!

საქართველოს სახელმწიფო  
 თბილისი  
 \* საქართველოს სახელმწიფო

საქართველოს სახელმწიფო  
 თბილისი

გამომც. თ. პ. ი. თუმანიშვილი.

დასურათებ ული საყმაწვილო ჟურნალი



წელიწადი **„ნაკადული“** წელიწადი  
მეტამეტე. მეტამეტე.



ქურნალი „ნაკადული“ გამოვა ჩვეულებრივი პროგრამით, საგანგებოდ მოწვეულ სარედაქციო კომისიის ხელმძღვანელობით.

**შუბნალი გამოდის თვეში ორჯერ**

**24 წიგნი** „ნაკადულისა“ **12 წიგნი** „ნაკადულისა“  
მცირე წლოვანთათვის. მოზრდილთათვის.

ყოველი წიგნის პირველ გვერდზე იქნება მოთავსებული გამოჩენილ მხატვართა ნახატი.

ფასი ქურნალისა: წლიურად ორივე გამოცემა—**5 მან.**—იმით, თვის, ვინც ქურნალს რედაქციაში მოიკითხავს, გაგზავნით კი **6 მან.** ნახევარ წლით—**3 მან.** გაგზავნით—**3 მან.** 50 კაპ. ცალ-ცალკე: მცირე წლოვანთათვის **24 წიგნი—3 მან.** გაგზავნით—**3 მან.** 50 კაპ. მოზრდილთათვის **12 წიგნი—3 მან.** გაგზავნით—**3 მან.** 50 კაპ. ფულის შემოტანა შეიძლება ნაწილ-ნაწილადაც.

ვისთვის ხელის მომწერლებს, თუ ქურნალი „ნაკადული“ არ მისდით, ერთი თვის განმავლობაში გვაცნობონ და ადრესის გამოცვლა დროზე შეგვატყობინონ. ადრესის გამოსაცვლელად—**40 კ.** შეიძლება მარკებით გამოიგზავნოს.

**ხელის მოწერა ბიულეტენს**

**თბილისში**— „ნაკადულის“ რედაქციაში, ზუბალაშვილის სახლი, გოლოვინის პროსპ. №8. Редакция „Накадул“, Гоголинский пр. № 8. შემოსასვლელი დავითის ქუჩიდან, № 2. წერა-კითხვის გამავრცელებელ საზოგადოების წიგნის მალაზიაში, სასახლის ქუჩა; **ქუთაისში**—ისიდორე კვიციანიძესთან, მ. ყაზხიშვილთან და თ. მთავრიშვილთან. **ფოთში**—ლუღმიღე მეგრელიძესთან. **ბათუმში**—ტროფიმ ინასარიძესთან ფოსტაში, ტ. სამსონ ყაზხიშვილთან—ქალაქის გამგეობაში. **თელავში**—ვანო პაატაშვილთან. **ახალციხეში**—კონსტანტინე გვარამაძესთან. **ბაქოში**—მეთოდე კაკაბაძესთან. **გორში**—ქეთევან ჯავახიშვილთან ტინო ლომოვურთან. **ჭიათურაში**—ივ. გომელაურთან. **ხონში**—მ. ი. კავკანიძესთან. **მიხაილოვოში**—გიორგი ნაკაშიძესთან. **ოზურგეთში**—სალომე ხუნდაძესთან, **ლანჩხუთში** მასწავლებელ ჯუღელთან.

რედაქტორი **ნინო ნაკაშიძე**  
გამომცემელი **მ. პავლე იოსების-ძე თუმანიშვილი.**